

## **BIŃ KILISI GEOC LASÊ GÊDÊŃ JOANŃA**

BiŃ Kilisi Geoc Lasê GêdêŃ JoaŃa nec Ńac tau keto gêdêŃ Ńasawa teŃ, taŃ lau sêjanda to sêlêsú lau buŃa kêtú nêŃ sêkêŃ gêwiŃ Jesu Kilisi gebe Apômtau eŃŃa. JoaŃ keto papia tonec Ńamanô tau nec gebe êkêli lau tônê sêkêŃ mateŃ Anôtô to taêŃ êka eŃ totêntac êpa sugen ma gebe êpiŃkap êsêac gebe sêsap eŃ tôŃ ŃaŃêŃgeŃŃa êtôm têm, taŃ sêôc wapac to ŃandaŃ naŃŃa sêsinŃ sugen.

Anôtô geoc nom Ńatêm êsu Ńawêc totau-totau lasê gedêg JoaŃ, tec keto gêjam buku tonec ŃamakeŃ kapôêŃ auc. Gêgôm eŃ kêtú kainŃ teŃ kêsa, tec gêlic gêŃ Ńakatu kêpi ŃadôŃdôŃgeŃŃa ma gêŃô biŃ ŃalêwiŃgeŃ, naŃ lau buŃa têm tônêŃa sêjala Ńam gêc awê gêdêŃ êsêac tauŃgeŃ, mago kêsinŃ tau gêc lêlômgeŃ gêdêŃ lau samuc. ŃacsakiŃ teŃ embe ênam mêtê aêac, oc êndênaŃ biŃ Ńapep. EŃ êkêŃ Ńasêbu samob sêsô Ńalôtêna tageŃ Ńalabu, naŃ eŃ êsam lasê êsêp Ńasawa, ec êwê aêac êndêŃ tajala biŃŃa. JoaŃ keto buku tonec ŃabiŃ totau-totau kêsô Ńalôtêna Ńalabu gêdêŃ-gêdêŃgeŃ kêtôm tônêgeŃ, tec kêdênaŃ gêŃ, tê katu gêlic to gêŃô-gêŃô nê, kêsi tau gêc awê Ńajam. Lau sêpuc biŃ tonanŃ Ńai Ńam ma sêwa sa naŃ, nêŃ kauc keso-keso tau. Mago buku tau Ńagalôtênasêga tonec gêc awêgeŃ gebe Êtu Ńamu Anôtô oc êkêŃ Apômtau Jesu Kilisi mênêku nê Ńacjo pebeŃ tulu tomalageŃ ma SadaŃ tau êwiŃ amboac tonanŃgeŃ. ÊkêŃ êsêac sêsô eŃ ŃaŃbu su, gocgo êkêŃ

moasiñ êndên nê lau sêsêp en tòn ñañêñña naêjô gebe êkên êsêac sêwê kaiñ undambê wakuc to nom wakuc ñawasi sêwiñ en.

### **Ñadênañ**

1. Joañ gêjac m papia tonec 1:1-8
2. Joañ katu kaiñ teñ kêsa gêlic gêñ ñakatu ñamataña ma biñ gêdên gôlôac 7ña 1:9-3:22
3. Papia tonapeñ 7ña 4:1-8:1
4. Dauc 7ña 8:2-11:19
5. Lêñuckêm to bôclai luagêc ñabiñ 12:1-13:18
6. Katu gêlic gêñ ñakatu ñagêdô 14:1-15:8
7. Anôto têtac ñandañ ñalaclu 7 16:1-21
8. Babilon kêku sa ma sêku Bôc tau tuluña to propete dansañ ma Sadañ tau 17:1-20:10
9. Anôtô êmêtôc biñ êtu ñamu 20:11-15
10. Undambê wakuc to Nom wakuc ma Jerusalem wakuc 21:1-22:5
11. Joañ gêjac mata buku tonec 22:6-21

### *Joañ gêjac m nê biñ ma awa gêjac nê lau*

<sup>1</sup> Biñ tonec ñai Jesu Kilisi geoc lasê. Anôtô tau kêkên biñ tonec gêdên en gebe en êtôc biñ, tañ kêdabiñ gebe mênêsa nañ, êndên nê sakiñwaga samob. Tec kêsakiñ nê añela geoc biñ tau lasê gêdên ênê sakiñwaga aê, Joañ.

<sup>2</sup> Aê, Joañ, galic gêñ samob tonec, tec kasôm Anôtônê biñ to Jesu Kilisi nê biññanô tau lasê.

<sup>3</sup> Aê aoc êôc ñac, tañ êsam biñ tonec lasê to êsêac, tañ sêñô biñ Kilisi geoc lasêña ma sêmansañ biñ samob, tañ kato gêc papia tonec nañ, gebe ñanoc kêdabiñ.

<sup>4</sup> Aê, Joañ, ñoc biñ êndên gôlôac dabuñ 7, tañ sêmoa gamên Asiana. Moasiñ to biñmalô êndên

amac anğa nac, taŋ gêmoa gêdêŋ andanğen ma gêmoa galoc ma oc êmêŋ naŋ nê, ma anğa Nalau 7, taŋ sêmoa ênê lêpôn kiŋŋa ŋanêmŋa naŋ nêŋ,

<sup>5</sup> to anğa Jesu Kilisi nê. Eŋ nac-gêwa-biŋ-sa-ŋaŋêŋ-waga ma kêtû nacmatê sêndi sa nêŋ ŋamêc to gêjam gôliŋ kiŋ nomŋa.

Eŋ têtac gêwiŋ aêac ma kêgaboac aêac su anğa nêŋ sec ŋa tau nê dec.

<sup>6</sup> Eŋ kêkêŋ aêac tatu Tama Anôtô nê gamêŋ to dabuŋwaga. Nawasi to ŋajaŋa êndêŋ eŋ teŋgen ma teŋgen. Biŋŋanô.

<sup>7</sup> Alic acgom, eŋ oc êmêŋ totaogen.

Lau samob oe sêlic eŋ.

Ma êsêac, taŋ sêguŋ eŋ ôli lasê naŋ, oc sêlic eŋ sêwiŋ.

Lau to-m-to-m anğa nom têtaj êpi eŋ.

Aec, biŋ tau amboac tônê.

Biŋŋanô.

<sup>8</sup> Apômtau Anôtô, ŋaniniŋ Natau, taŋ gêmoa gêdêŋ andanğen ma gêmoa galoc ma oc êmêŋ naŋ, kêsôm gebe “Aê nac ŋamata to ŋamu.”

### *Joan gêlic Kilisi*

<sup>9</sup> Amac tewemi aê, Joan. Jesu gêbiŋ aêac tôŋ, tec gawê kain nêŋm gêŋwapac to Anôtônê gamêŋ ma gaoc gêŋwapac totêtac kêpa sugen gawiŋ amac. Êsêac sêkêŋ aê ganğôn nuc, taŋ sêsam gebe Patmos naŋ, kêtû kasôm Anôtônê biŋ lasê to gawa Jesu saŋa.

<sup>10</sup> Gêdêŋ Apômtaunê om Nalau gêjam aê auc, tec ganğô awa kapôêŋ teŋ amboac dauc kêtaŋ anğa aê dêmôêcmuŋa.

<sup>11</sup> Nawa tau kêsôm gebe “Gêŋ taŋ ôlic naŋ, oto êsêp buku teŋ ma ôsakiŋ êndêŋ gôlôac dabuŋ 7

tonec, Epese, Smurna, Pergamon, Tuatira, Sardes, Piladelpia ma Laodikea êna.”

<sup>12</sup> Go kakac tauc ôkwi gabe jalic awa, tañ kêsôm biñ gêdêñ aê nañ. Kakac tauc ôkwi e galic jakaiñ gold 7.

<sup>13</sup> Ma ñac teñ amboac ñamalac latuñi teñ gêmoa jakaiñ tonañ ñasawa. Eñ kêsô ñakwê baliñ e jagêdêñ agêbi ma kêjandiñ ômbiñkap gold gêsac bôdagi.

<sup>14</sup> Ñac tau môkêapac to môkêlauñ sêpôma amboac kateñ sêpsêp ma amboac tao kwalam, ma mataanô amboac jawaô,

<sup>15</sup> ma akaiñ amboac ki jonjon, tañ sêpac e ñamondec-mondec kêsa nañ, ma nê awa amboac bu kapôêñkapôêñ ñakicsêa.

<sup>16</sup> Ñac tau lêma anôña kêkam utitalata 7, ma sin teñ sêuc ñamata makeñ-makeñ kêsa eñ awasun, ma eñ lanjôanô amboac oc ñawê tonjaclai.

<sup>17</sup> Aê galic eñ e gau tauc jatomatêgen gaêc eñ akaiñña, go kêkêñ lêma anôña gêsac aê ma kêsôm gebe “Ôtêc taôm atom. Aê ñac ñamata to ñamu.

<sup>18</sup> Aê matoc jali. Aê gamac êndu su, mago aôm gôlicgac, aê matoc jali gamoa tenjen ma tenjen, ma kakôc gêmacanô to lamboam ñaki.

<sup>19</sup> Amboac tonañ oto gêñ, tañ gôlic nañ, sa acgom. Oto gêñ, tañ galoc gêc nañ, to gêñ tañ mênêsa êtu ñamu nañ, amboac tonanjen.

<sup>20</sup> Utitalata 7, tañ gêc lemoc anôña nañ, to jakaiñ gold 7 ñabiñ, tañ gêc lêlômgen nañ, ñam tau tonec. Utitalata 7 tonañ têtû gôlôac dabuñ 7 nêñ anela, ma jakaiñ 7 tonañ têtû gôlôac dabuñ 7 tau. \* saun. Alic Tim II. 1:15

---

\* **1:20:** Ñaê Asia kêkanôñ gamêñ, tañ sêsam teñ gebe Asia

## 2

### *Bij gêdêñ gôlôac Epeseña*

<sup>1</sup> “Oto bij tonec êndêñ gôlôac dabuñ Epeseña nêñ añela.

“Ñac tañ lêma anôña kêkam utitalata 7 ma kêsêlêñ gêmoa jakaiñ gold 7 ñasawa nañ, kêsôm bij tonec gebe

<sup>2</sup> Aê kajala nêñ koleñ to gôim taôm su ma gôc gêñwapac totêmtac kêpa sugen. Aê kajala gebe aôm godec lau sec gebe sêmoa sêwiñ aôm atom. Aôm kôsaê êsêac, tañ sê tauñ gebe aposolo, mago êsêac aposolo atom nañ, e kôjala êsêac gebe dansañtêna.

<sup>3</sup> Aôm gôc gêñwapac, tañ kêtap aôm sa kêtû ñoc ñaêña nañ, totêmtac kêpa sugen, ma têkwam gêbac atom.

<sup>4</sup> Tagen nêñ bij teñ tec gêc. Aôm gôwi nêñ têmtac gêwiñ ñamataña siñ.

<sup>5</sup> Amboac tonañ taêm ênam gêñ, tañ gôwi siñ su nañ, e ônam taôm ôkwi ma ônam kôm, tañ gôjam gêdêñ ñamataña nañ êtiam. Embe ônam taôm ôkwi atom, oc jandêñ aôm jawac ma jatiñ nêñ jakaiñ su aña ñamala.

<sup>6</sup> Mago tonec tec gôgôm jagêdêñ gebe têmtac gedec Nikolainê launêñ kôm, tañ aê têtac gedec amboac tonañen nañ.

<sup>7</sup> Ñac tañ nê tanasun gêc nañ, êñô bij, tec Ñalau kêsôm gêdêñ gôlôac dabuñ nec, gebe Teñ embe êku ñacjo tulu, oc jakêñ en êniñ ka danğon maten jaliña, tañ kêkô Anôtônê paradis nañ ñanô.

### *Bij gêdêñ gôlôac Smurnaña*

<sup>8</sup> “Ma oto bij tonec êndêñ gôlôac dabuñ Smurnaña nêñ añela.

“Ñac ñamata to ñamu, tañ gêmác êndu e mata jali kêsá nan, kêsôm biñ tonec gebe.

<sup>9</sup> Aê kajala gebe gôngôn jageo to ñalêlôm sawa. Mago aôm ñac tolêlôm goc. Aê kajala êsêac, tañ sê tañ gebe Juda nan, sêsôm biñ alôb-alôb kêpi aôm. Mago êsêac Juda atom, êsêac anğa Sadanê lôm.

<sup>10</sup> Ôtêc ñandan, tañ oc ôc nan atom. Gôlicgac me, Sadan oc êkêñ amacnêm ñagêdô sêsêp kapoacwalô, gebe ênsaê amac ma oc anğôn naeo êtôm bêc 10. Ôc ñañêngeñ e ômac êndu, go jakêñ danğôn maten jali ñasunsuñ êndên aôm.

<sup>11</sup> Ñac tañ nê tañasunğêc nan, êñô biñ, tec Ñalau kêsôm gêdên gôlôac dêbu ñ nec, gebe Ten embe êku ñacjo tulu, oc gêmacanô kêtú luagêcña êkêñ ñandan êndên en atom.

### *Binğêdên gôlôac Pergamonña*

<sup>12</sup> “Ma oto biñ tonec êndên gôlôac dabuñ Pergamonña nêñ anela.

“Ñac tañ gêoc sinğ tenğ sêuc ñamata maken-maken nan kasôm biñ tonec.

<sup>13</sup> Aê kajala gamên, tañ gôngôn nan, Sadanê lêpôn kêkô tônê. Mago aôm kôkam aêñoc ñaê tôn ma gôsa kôkên gêwiñ aêña auc atom. Gêdên tañ sêjac ñoc ñac-gêwa-binğ-sa-ñañênwaga Antipas êndu anğa amacnêm gamên, tañ Sadanğênğôn nan, aôm gôsa aê auc atom amboac tonanğen.

<sup>14</sup> Tagen nêm biñ ñagêdô tec gêc. Lau ñagêdô sêkam Balamnê mêtê tônğ sêmoa Pergamon sêwiñ aôm. Balam tonanğ kêdônğ Balak gebe êwa lakô lau Israel, gebe sêninğ da gwamña to sênğôm mockainğ.

<sup>15</sup> Lau ñagêdô sêkam Nikolainê launênğ mêtê tônğ sêmoa sêwiñ aôm amboac tonanğen.

16 Amboac tonañ ônam taôm ôkwi. Embe masi, oc jandêñ aôm jawac sebeñ ma janac êsêac ña siñ, tañ kêsá aocsuñ nañ.

17 Ñac tañ nê tañasuñ gêc nañ, êñô bi ñ, tec Ñalau kêsôm gêdêñ gôlôac dabuñ nec, gebe Ten embe êku ñacjo tulu, oc jakêñ mana, tañ kêsiniñ tau gêc nañ, ma jakêñ poc sêpsêp ten êndêñ en êwiñ. Aê kato ñaê wakuc ten kêsêp poc tau, ñac ten kêjala atom, ñac-kêkôcpoc-waga taugenj kêjala.

### *Biñ gêdêñ gôlôac Tuatiraja*

18 “Ma oto biñ tonec êndêñ gôlôac dabuñ Tuatiraja nêñ añela.

“Anôtônê Latu, tañ mataanô kêtôm jawaô ma akainj amboac ki jonjoñ nañ, kêsôm biñ tonec.

19 Aê kajala nêñ kolenj to têtmac gêwiñ ma kôkêñ gêwiñ ma gôjam sakinj to gôc gêñwapac totêtmac kêpa sugen. Aê kajala gebe galoc gôjam kolenj kapôêñ kêlêlêc gêmuñja su.

20 Tagenj nêñ biñ tenj tec gêc. Aôm gôlôc gêdêñ Jesebel, tañ gê tau gebe propeteo tenj ma kêdônj to kêlênsônj ñoc sakinjwaga gebe sêñgôm mockainj to sêniñ da gwamña.

21 Aê kakêñ ñasawa gêdêñ enj gebe ênam tau ôkwi, mago gedec, enj gebe ênam tau ôkwi aña nê lêñ mockainjoña atom.

22 Ôlic acgom, aê oc jambalinj enj siñ ênsac nê mê togêmacgenj, ma êsêac, tañ sêgôm mockainj gêdêñ enj nañ, embe sênam tañ ôkwi aña gêñ, tañ sêgôm sêwiñ enj nañ atom, oc jambalinj êsêac siñ sêmoa naeo ñanô.

23 Ma aê jansenj ênê latuio to ñac samob su sênaña, go gôlôac dabuñ samob sêjala gebe aê ñac,

tañ kabêlêm ñamalacnêñ ñalêlôm e gabi lêtêñ, ma jakêñ ñagêjô êndêñ amac êndêñ-êndêñgeñ êjô nêm kôm, tañ ajam.

<sup>24</sup> Mago amac lau Tuatiraña ñagêdô akôc mêtê sec tonañ sa atom ma akip biñ, tañ sêsam gebe ‘Sadañnê biñ ñalômña’ nañ, sa atom. Tec jasôm êndêñ amac gebe Aê oc jau gêñwapac teñ ênsac amac êwiñ atom.

<sup>25</sup> Mago gêñ, tañ akôc kêtú nêm gêñ su nañ, amêñgôm ñajañagen e aê jawac.

<sup>26</sup> Teñ embe êku ñacjo tulu ma ênam ñoc kôm e ênac dabi ñ, oc jakêñ ñaclai êndêñ en gebe êtu lau samuc nêñ ñatau

<sup>27</sup> ma ênam gôliñ êsêac ña tôcki to elo êsêac popoc llnsim-linsimgeñ amboac kunom.

<sup>28</sup> Ñaclai amboac tonañ aê kakôc aña Tamocnê, ma jakêñ utitêna elenmataña êndêñ en.

<sup>29</sup> Ñac tañ nê tañasuñ gêc nañ, êñô biñ, tec Ñalau kêsôm gêdêñ gôlôac dabuñ nec.

### 3

#### *Biô gêdêñ gôlôac Sardesña*

<sup>1</sup> “Ma oto biñ tonec êndêñ gôlôac dabuñ Sardesña nêñ añela.

“Ñac tañ kêkôc Anôtônê Ñalau 7 ma utitalata 7 nañ, kêsôm biñ tonec gebe Aê kajala nêm koleñ ma waem gêc gebe gômoa matam jali, mago kôtu matê.

<sup>2</sup> Matam êlêc ma ôpuc gêñ ñagêdô, tañ gebe êmac êndugeñ nañ tôñ, gebe aê galic aôm gôjac dabuñ nêm koleñ ñapep kêtôm ênac Anôtô mataanô ñajamña atom.



<sup>3</sup> Amboac tonañ taêm ênam biñ, tañ gônô to kôkôc su nañ, ma ômansañ e ônam taôm ôkwi. Embe matam êlac atom, oc jawac amboac genjentêna, ma aôm oc ônam kauc noc jandêñ aôm jawacña.

<sup>4</sup> Mago aômniêm lau luagêcgen tec sêngôn Sardes, tañ sêgôm nêñ ñakwê ñatêmui kêsa atom. Lau tonañ tec galic êsêac têtôm gebe oc sêsêlêñ tonakwê kwalam sêwiñ aê.

<sup>5</sup> Teñ embe êku ñacjo tulu, oc jakêñ enj êsô ñakwê kwalam sa ma jansenj ênê ñaê su anja buku matenj jalinja atom ma jasôm ênê ñaê lasê êndêñ Tamoc to nê anela.

<sup>6</sup> Ñac tañ nê tanjasunj gêc nañ, êñô biñ, tec Ñalau kêsôm gêdêñ gôlôac dabun nec.

*Biñ gedenj gôlôac Piladelpianja*

<sup>7</sup> “Ma oto biñ tonec êndêñ gôlôac dabun Piladelpianja nêñ anela.

“Ñac dabun to ñac biññanôña,  
tañ kêkôc Dawidnê ki katamña nañ,  
embe êlai su, oc teñ êlai auc êtôm atom,  
ma embe êlai auc, oc teñ êlai su êtôm atom,  
ñac tau tonañ kêsôm biñ tonec gebe

<sup>8</sup> Aê kajala nêni kolenj. Ôlic acgom, aê galêc katam teñ su gêdêñ aôm, tec kêkô, ma teñ kêtôm gebe ênsañ aucña atomanô. Aê kajala gebe nêni ñaclai ñagec gêc, mago kômasañ ñoc biñ to gôsa aêñoc ñaê auc atom.

<sup>9</sup> Ôlic acgom, oc jakêñ êsêac anja Sadanñê lôni, tañ sê tauñ gebe êsêac Juda, mago êsêac J u da atom, sêsau tauñ nañ, sêndêñ aôm sêwac sêpônj aenduc sênêc aôm amkainja, ec sêjala gebe aê têtac gêwiñ aôm.

<sup>10</sup> Aê janğôm biñ tonan gebe aôm kômasan ñoc biñ to gôc gêñwapac totêmtac kêpa sugen. Amboac tonan aê oc jajop aôm êndên noc lêtômña, tañ oc mênêsa anğa nom ñagamên samob gebe ênsaê lau samob, tañ sênğôn nom nan, gebe lêtôm tau êtap aôm sa êwiñ atom.

<sup>11</sup> Aê oc jawac seben. Gên tañ kôkôc kêtü nêñm gên su nan, ômênğôm ñajanagen gebe ñac teñ êjanğo nêñm sunsuñ su atom.

<sup>12</sup> Teñ embe êku ñacjo tulu, oc jakên enj êtu alê êkô ñoc Anôtônê lôm dabuñ. Enj oc êwi lôm dabuñ sinj êsa êna atomanô. Ma aê jato ñoc Anôtônê ñaê to ñoc Anôtônê malac Jerusalem wakuc ñaê ênsac enj. Ñoc Anôtô oc êkên malac tau êsêp anğa undambê êmên. Ma jato tauc ñoc ñaê wakuc ênsac enj êwiñ.

<sup>13</sup> Ñac tañ nê tañasun gêc nan, êñô biñ, tec Ñalau kêsôm gêdên gôlôac dabuñ nec.

### *Biñ gêdên gôlôac Laodikeanğa*

<sup>14</sup> “Ma oto biñ tonec êndên gôlôac dabuñ Laodikeanğa nêñ anğa.

“Biññanô ñatau tau, tañ gêwa biñ sa ñanên to biññanôgen, gên tañ Anôtô kêkên nan, samob ñamôkê nan, kêsôm biñ tonec gebe

<sup>15</sup> Aê kajala nêñm kolen ma kajala gebe aôm ñaluc atom me ñandan atom. Ojae, jalic aôm ñaluc me ñandan acgommanğ.

<sup>16</sup> Mago aôm ñaluc atom ma ñandan atom, aôm ñakola-kola, amboac tonan aê gabe jakasôp aôm sinj anğa aocsunğ.

<sup>17</sup> Aôm kôsôm gebe Aê ñac toawa ma ñoc waba taêsam, tec kapô lêna gên teñ atom. Mago aôm gôjam kauc taôm. Aôm gômoa jageo ñanô ma lau

embe sêlic, oc taên walô aôm. Aôm ñac ñalêlôm sawa ma matampec to gômoa ôlim ñaômageñ.

<sup>18</sup> Amboac tonañ aê gabe jawa lêñ tej sa êndên aôm acgom. Ônam ôli gold, taj sêpac ña ja e ñawasi kêsa nan, êndên aê gebe ôtu ñac tolêlôm. Onam ôli ñakwê kwalam gebe ênsañ aôm gebe majam êsa êtu ôlim ñaômaña atom, ma ônam ôli ñalêsi gebe ôniñ oso matamanô e ôlic gamên ñañên êsa.

<sup>19</sup> Aê embe têtac êwiñ lau tej, oc jamêtôc to jakôniñ êsêac. Amboac tonañ ôpôn taôm topalêgen e ônam taôm ôkwi.

<sup>20</sup> Alic acgom, aê tec kakô katamdêmôê ma kamadi kakô. Tej embe êñô aê aoc ma êlêc katam su, oc jasô jandên en jana ma janiñ gêñ jawiñ en ma en êniñ gêñ êwiñ aê.

<sup>21</sup> Tej embe êku ñacjo tulu, oc jakên en êngôn ñoc lêpôn êwiñ aê, amboac aê kaku ñacjo tulu ma gangôn Tamocnê lêpôn gawiñ en.

<sup>22</sup> Ñac taj nê tanasun gêc nan, êñô biñ, tec Ñalau kêsôm gêdên gôlôac dabun nec.”

## 4

### *Sakiñ dabun undambêña*

<sup>1</sup> Tonañ su acgom, go galic ñakatu tej. Aê galic undambê ñakatam tej gêña ma awa ñamataña, taj kêsôm biñ gêdên aê ma ganô amboac dauc kêtanj nan, kêsôm gebe “Ôpi ômôên, aê gabe jatôc biñ, taj oc mênêsa êtu ñamu nan, êndên aôm.”

<sup>2</sup> Ma sep tagen katuc kaiñ tej kêsa e galic lêpôn kiñña tej kékô undambê ma ñac tej gêngôn lêpôn tau.

<sup>3</sup> Ma ñac, tañ gêngôñ lèpônñ kinña nan, lanjôanô ñawasi amboac jabo ma bomsamuc amboac môêc. Ma kasômbuc kêgi lèpônñ auc ma galic amboac kalacwaô.

<sup>4</sup> Go lèpônñ 24 kêgi lèpônñ kinña tau auc, ma lau-mata 24 sêngôñ lèpônñ tau ñaô. Êsêac sêsô ñakwê kwalam-kwalam to sêkuc sunsun gold.

<sup>5</sup> Ma ôsic kêkac to awenñ kêsa ma wapap gêjac kêsa anga lèpônñ kinña tau. Ma dawenñ 7 gelom kêkô lèpônñ tau ñanêmña. Dawenñ tau Anôtônê Nalau 7.

<sup>6</sup> Ma gwêc tenñ kêpoac lèpônñ tau ñanêmña. Gwêc tau ñakênkên lanjwageñ amboac glas.

Ma anga gamênñ ñalunñ tau bôc aclê sêkô sêgi lèpônñ kinña auc. Êsêac matenjanô taêsam gêjam ôlinñ nêmña to muña auc samucgenñ.

<sup>7</sup> Bôc ñamataña kêtôm lewe. Go ônanñ kêtû lu-agêcña nan, kêtôm bulimakao kapoac. Ma ônanñ kêtû têtêacña nan, lanjôanô kêtôm ñamalac. Ma ônanñ kêtû aclênña nan, kêtôm momboanñ gêtôb.

<sup>8</sup> Ma bôc aclê tonanñ nêñ ñamagé 6 kêtôm êsêacgenñ. Ma matenjanô gêjam ôlinñ dêmôênña to lèlômña auc. Êsêac sêsôm binñ tonec kêtôm bêc to gelenñ sêlêwanñ atom gebe

“Apômtau Anôtô, ñanininñ Natau, enñ ñac dabunñ, dabunñ, dabunñ.

Enñ gêmôa gêdênñ andanjenñ ma gêmôa galoc ma oc êmênñ.”

<sup>9</sup> Ma gêdênñ tañ bôc tau sêkênñ ñawasi to wae ma danje gêdênñ ñac tau, tañ gêngôñ lèpônñ kinña ma oc êmôa mata jali tenjenñ ma tenjenñ nan,

<sup>10</sup> êsêac laumata 24 tonanñ sêu taunñ gêdênñ ñac, tañ gêngôñ lèpônñ nan, to tetenñ mec gêdênñ ñac, tañ

gêngôn lêpôn nan, to teten mec gêdên nac, tañ êmoa mata jali tengeñ ma tengeñ, ma tetoc nêñ sunsun gêc lêpôn nanêmna ma sêsôm gebe

<sup>11</sup> “O Apômtau, aêacma Anôtô, aôm kôtômgoc gebe ôkôc nawasi ma waem to naclai, gebe aôm kôkên gêñ samob ma aômnêm biñ kêkên gêñ samob mênkêsa to nanô kêsa tec sêmoa.”  
\* têntac nandan gêdên nêñ natauna nec atom. Êsêac tetoc nêñ Apômtau sa na lên amboac tonan.

## 5

### *Buku ma domba nabij*

<sup>1</sup> Aê galic buku ten kêsêp nac, tañ gêngôn lêpôn nan, nê lêma anôna. Teto biñ kêsêp lêlômna to dêmoêna, go sêkic tôñ ma sêkên pen 7 kêpi naomata.

<sup>2</sup> Go galic anela naclai ten kêsôm biñ kêkac awa sagen gebe “Asa kêtôm gebe êkac pen su ma êkac buku tau sa.”

<sup>3</sup> Nac ten anga undambê me anga nom me anga nom nalêlôm kêtôm gebe êkac buku sa ma êsam atom.

<sup>4</sup> Ma aê kêtan nanô gebe têtap nac ten sa kêtôm gebe êkac buku sa ma êsamna nec atom.

<sup>5</sup> Go laumata tau nêñ ten kêsôm gêdên aê gebe “Ôtan atom. Ôlic acgom, lewe anga Judanê gôlôac, Dawidnê wakuc ten, kêku nacjo tulu. Nac tonan tec êkac pen 7 su ma êkac buku tau sa.”

<sup>6</sup> Go galic domba ten kêkô lêpôn kiñna to bôc aclê ma laumata 24 nalêlôm. Domba tau nalanô amboac sêbuc su. Nê jabo 7 to mataanô 7. Mataanô

---

\* **4:11:** Laumata 24 sêkac nêñ sunsun su gêc nom kêtû

7 tau Anôtônê Nalau 7, tañ kêsakiñ sêjam nom samucgeñ auc.

<sup>7</sup> Tec domba tau jakêkôc buku su anğa ɲac, tañ gêngôn lêpôn kiñña ɲaô nañ, nê lêma anôña.

<sup>8</sup> Gêdên tañ eñ kêkôc buku su nañ, bôc aclê to laumata 24 sêu tauñ sêc domba lanônêmña. Êsêac sêkôc gêñ wêña kêtômgeñ ma sêkôc laclu gold. Gêñmalu tañ kêsêp laclu nañ, Anôtônê launên mec.

<sup>9</sup> Ma êsêac sêpuc wê wakuc teñ sa gebe  
 “Aôm kôtôm gebe ôkôc buku ma okac ɲapeñ su,  
 gebe sêbuc aôm ma nê m dec gêjam ôli ɲamalac  
 tomôkê-tomôkê ma awen teñ-awen teñ ma to-m-to-  
 m ma toton-toton têtü Anôtônê lau.

<sup>10</sup> Aôm kôkên êsêac têtü Anôtônê gamên to dabuñwaga,  
 gebe sênam sakiñ aêacnên Anôtô ma sênam gôlin  
 anğa nom.”

<sup>11</sup> Go galic to ganô anela taêsam awen. Anela tau sêgi lêpôn kiñña to bôc ma laumata auc ma nên namba 1,000 to 1,000 ma 10,000 to 10,000.

<sup>12</sup> Êsêac sêsôm ɲa awen kapôên gebe  
 “Domba tañ sêbuc nañ, kêtôm gebe êkôc ɲaclai to gêñ tolêlôm-tolêlôm ma kauc mêtêña to ɲajaña ma wae to ɲawasi ma lambiñ.”

<sup>13</sup> Ma ganô gêñ samob, tañ Anôtô kêkên nañ, anğa undambê to nom ma anğa nom ɲalêlôm to gwêc ma geñ samob, tañ sêjam aucgeñ nañ sêsôm gebe  
 “Lambiñ to wae ma ɲawasi to ɲajaña enden ɲac, tañ gêngôn lêpôn kiñña nañ, agêc Domba teñgeñ ma teñgeñ.”

14 Go bôc aclê tau tonan sêlôc gebe “Binjanô.” Ma êsêac laumata sêu taun jasêc ma teten mec. \* taên ênam gebe lau ten sêsam papia tau sewin atom, go sêkic papia tôj na gam me o ten ma sêsap naomata tôj kêpi tagen na katêkwi, go sêpen nên natalô êwa êsêac sanja kêsêp katêkwi tau. Katêkwi tonatalô tau sêsam gebe pen. Nac tan papia gêjac en nawae nan, êkac pen tau su acgom, go êtôm gebe êsam papia tau. tau. Kat kwl to atalô tau Jam gebe pe ac tan papla gêjac en nawae nan, êkac pe tau 8 U aC 9 Om, go êtôm gebe Nam papla tau.

## 6

### *Bin penja*

1 Go galic Domba kêkac buku napej 7 namatana su. Ma ganô bôc aclê nêj ten kêsôm awa amboac wapap gêjac gebe “Ômôên.”

2 Ma gaôc matocanô sa ma galic hos kwalam-kwalam ten. Nac tan gêngôn hos naô nan, kêmêgôm talam ma sêkên sunsun gédên en kêkuc. Ma nac tau kêsa gêja kêtôm nac-kêku-nacjo-tuluwaga, ma en oc êku nacjo tulu.

3 Go Domba kêkac napej kêtû luagêcna su. Ma ganô bôc kêtû luagêcna kêsôm gebe “Ômôên.”

4 Ma hos kokoc ten kêsa gêmên. Ma nac, tan gêngôn hos naô nan, kêtû natau gebe êkôc binmalô su anga nom ma êkên namalac sensej taun, tec sêkên sin kapôên ten gédên en.

5 Go Domba kêkac napej kêtû têlêacna su. Ma ganô bôc kêtû têlêacna kêsôm gebe “Ômôên.” Ma

---

\* **5:14:** Lau nanô embe teto papia êndên nac ten ma embe

gaôc matocanô sa e galic hos jejec tenj. Ma ñac, tañ gêngôñ hos ñaô nanj, kêkôc dôñ tanam dôñ gêng ñawapacña kêsêp lêma.

<sup>6</sup> Ma ganô awa tenj kêsâ bôc aclê ñasawa gebe “Kôm bêc tagenña ñaôli kêtôm gebe tanam ôli padi kap luagêc. Kôm bêc tagenña ñaôli kêtôm gebe tanam ôli labi kap 6genj. Mago ôngôm ñalêsi to wain êtu sec atom.”

<sup>7</sup> Go Domba kêkac ñapenj kêtû aclêña su. Ma ganô bôc kêtû aclêña nê awa gebe “Ômôênj.”

<sup>8</sup> Tec gaôc matocanô sa e galic hos bobob tenj. Ma ñac, tañ gêngôñ hos gaô nanj, nê ñaê gebe Gêmacanô. Ma lau lamboamña tédaguc enj. Ma sêwa lau nomña kêkôc gêja tonj aclê, ma Gêmacanô to nê lau têtap ñaclai sa gebe senseñ tonj aclê tonanñ nateñ su ña sinj to ña tôbôm ma ña gêmac tokainj-tokainj to ña bôclai nomña.

<sup>9</sup> Go Domba kêkac ñapenj kêtû lemenj tenña su. Ma aê galic lau, tañ sêjac êsêac êndu kêtû sêsôm Anôtônê binj lasê to sêwa binj tau sa ñanênña nanj, nêñ katuñ sêmoa altar ñalabu.

<sup>10</sup> Ma êsêac sêmôêc ña awenj kapôênj gebe “O ñatau dabunj to binñanôña, êndênj ondóc go ômêtôc binj ma ôkênj aêacma dec ñagêjô êndênj lau nomña.”

<sup>11</sup> Tec sêkênj ñakwê kwalam-kwalam gêdênj êsêac kêtômgenj ma sêsôm gêdênj êsêac gebe sêlêwanj taun saunjenj êwiñ e ñacjo sênac lau, tañ sêjam kôm sêwiñ êsêac to nêñ lasitêwai êndu nasêwiñ êsêac, go Anôtô êmêtôc lau nomña.

<sup>12</sup> Ma aê galic Domba kêkac ñapenj kêtû 6ña su ma ôjô gêjam kapôênjanô e oc kêtû jec amboac talu ñasaô-saô ma ajônj samuc amboac dec.



<sup>13</sup> Utitalata umbonña sêpôp sêsêp nom amboac wa tomatac-tomatac sêsêlô êndênj tañ mu êsêlênj kapôênj nanj.

<sup>14</sup> Ma umbonj gêlêc tau amboac sêlêc lacgenj ma lôc to nuc samob sêkênj malenj sinj.

<sup>15</sup> Go kinj nomña to lau towae ma sinjwaganênj kapitai to lau tolêlôm ma njajaña to gênôma ma êsêac, tañ sêmoa nênj lêtêgenj nanj, êsêac samob sêsinj tañj sêsêp gêsunj to poclabu anja lôc.

<sup>16</sup> Ma sêsôm gêdênj lôc to poc kapôênj gebe “Aku taôm sa mênjanjgênduc aêac auc gebe ñac, tañ gênjgônj lêpônj kinjña nanj, agêc Domba, tañ têtac njandanj nanj, sêlic aêac sapu.

<sup>17</sup> Gebe agêcnênj bêc kapôênj têtac njandanjña mênjêsa, ma asa kêtôm gebe êpuc tau tôj êkô.”

## 7

### *Sepeñ njatalô kêpi Israelneñ lau 144,000*

<sup>1</sup> Tonanj su, go galic anjela aclê sêkô nom ñakêclêsu aclê ma sêmêgôm nom ñamu aclê tôj, gebe mu teñ êsêlênj naêpi nom ma gwêc to ka teñ atom.

<sup>2</sup> Go galic anjela teñ anja oc ñam kêpi gêmênj, nanj kêkôc Anôtô mata jali nê peñ sepeñ njatalôña ma gêmôêc ña awa kapôênj gêdênj anjela aclê, tañ têtap ñaclai sênjgôm nom to gwêc êtu secña sa nanj gebe

<sup>3</sup> “Anjôm nom to gwêc ma ka êtu sec atomgenj e aêac apeñ njatalô êpi aêacnênj Anôtônê sakinjwaganênj teñbelenj su acgom.”

<sup>4</sup> Go ganjô sêsa lau, tañ sepeñ njatalô kêpi êsêac nanj, nênj namba sa kêtôm 144,000. Sepeñ njatalô kêpi Israel latuinênj gôlôac samob kêtômgenj.

<sup>5</sup> Anja Judanê gôlôac sepeñ njatalô kêpi lau 12,000,

aᅇga Rubennê gôlôac 12,000,  
 aᅇga Gadnê gôlôac 12,000,  
 6 aᅇga Asernê gôlôac 12,000,  
 aᅇga Naptalinê gôlôac 12,000,  
 aᅇga Manasenê gôlôac 12,000,  
 7 aᅇga Simeonnê gôlôac 12,000,  
 aᅇga Lewinê gôlôac 12,000,  
 aᅇga Isakamê gôlôac 12,000,  
 8 aᅇga Sebulonnê gôlôac 12,000,  
 aᅇga Josepnê gôlôac 12,000,  
 ma aᅇga Benjaminnê gôlôac 12,000.

*Lau nomᅇa totoᅇ-totoᅇ sêjam sakin Anôtô*

9 Tonan su, go galic lau taêsam ᅇasec, ᅇac ten  
 kêtôm gebe êsa êsêac saᅇa atomanô. Êsêac aᅇga  
 lau totoᅇ-totoᅇ samob nêᅇ to lau tomôkê-tomôkê  
 ma lau to-m-to-m samob to lau awenᅇ ten-awenᅇ ten.  
 Êsêac sêkô lêpônᅇ kiᅇᅇa to Domba lanônêmᅇa sêsô  
 ᅇakwê kwalam-kwalam ma sêoc tômtôm ᅇalaunᅇ.

10 Ma sêmôêc ᅇa awenᅇ kapôêᅇ gebe “Moasinᅇ  
 ênam aêac kêsiᅇa gêmêᅇ aᅇga Anôtô, taᅇ gêᅇgônᅇ  
 lêpônᅇ kiᅇᅇa naᅇ, agêc Domba nêᅇ.”

11 Ma aᅇla samob, taᅇ sêkô sêgi lêpônᅇ kiᅇᅇa  
 to laumata ma bôc aclê auc naᅇ, sêu tauᅇ têtap  
 labôcgeᅇ sêc lêpônᅇ kiᅇᅇa ᅇanêmᅇa ma teteᅇ mec  
 gêdêᅇ Anôtô

12 ma sêsôm gebe  
 “Biᅇᅇanô, lambiᅇ to ᅇawasi  
 ma kauc mêtêᅇa to danᅇe  
 ma wae to ᅇaclai ma ᅇajaᅇa  
 êndêᅇ aêacnêᅇ Anôtô tenᅇeᅇ ma tenᅇeᅇ. Biᅇᅇanô.”

13 Go laumata teŋ kêtú kênac aê gebe “Êsêac taŋ sêsô ñakwê kwalam-kwalam naŋ, asa lau ma sêmêŋ aŋga ondoc.”

14 Ma aê kasôm gebe “Ñoc apômtau, aôm kôjalagac.” Tec eŋ kêsôm gédêŋ aê gebe “Gêŋwapac kékôniŋ êsêac ñanô, tec sêmêŋ ma sêkwasiŋ nêŋ ñakwê kêsêp Dombanê dec, tec ñakwê tau kêtú sêp.

15 Sêgôm amboac tonan, tec sêkô Anôtônê lêpôŋ kiŋŋa ñanêŋma  
ma sêjam sakiŋ eŋ kêtôm bêc to gelen sêmoa ênê lôm dabuŋ.

Ma ñac, taŋ gêŋgoŋ lêpôŋ kiŋŋa ñaô naŋ,  
mêŋêtu nêŋ bec.

16 Mo to bu oc êjô êsêac êtiam atom.

Ma oc to gêŋ ñandan teŋ oc êtuŋ êsêac êtiam atom,

17 gebe Domba, taŋ kékô lêpôŋ ñaluŋgeŋ naŋ, oc  
ejop êsêac

ma oc êwê êsêac sêndêŋ bumata mata jali sêna.

Ma Anôtô oc êmbuŋ êsêac mateŋsulu samob aŋga  
mateŋgasi su.”

## 8

### *Ñapeŋ kêtú 7ŋa*

1 Domba kékac ñapeŋ kêtú 7ŋa su, go undambê ñagamêŋ ñaŋêŋ kêsá kêtôm ockatu ñasawa ñamaken.

2 Go galic aŋela 7, taŋ sêkô Anôtô laŋônêŋma naŋ, sêkôc dauc 7.

3 Ma aŋela teŋ gêmêŋ kékô kêsí altarŋa. Eŋ kékôc laclu gold gêŋmaluŋa teŋ. Ma sêkêŋ gêŋmalu taêsam gédêŋ eŋ gebe êkêŋ êtu da ênsac altar gold, taŋ kékô lêpôŋ kiŋŋa ñanêŋma naŋ, êwiŋ Anôtônê lau samob nêŋ mec.

4 Ma gêñmalu ñajadauñ gêôñ sa aña añela, tañ kêkô Anôtô lañônêmña nan lêma, kêpi gêwiñ Anôtônê launêñ mec gêja.

5 Go añela kêkôc laclu gêñmaluña jakêkêñ ja aña altar kêsêp e mênğêc ma kêbaliñ kêsêp nom gêja. Su, go wapap gêjac to gamêñ ñakicsêa kêsa ma ôsic kêkac to ôjô gêjam.

### *Dauc kêtañ*

6 Ma añela 7, tañ sêkôc dauc 7 nan, sêmasañ taun gebe sênac êtañ.

7 Añela ñamataña gêjac dauc kêtañ ma kompoc to ja ma dec kêgaluñ gêwiñ tau kêsêp nom gêja. Sêwa nom samuc kêkôc gêja ñamaken têtêac ma sêwa ka kêkôc gêja toñ têtêac amboac tonanğen. Tec ja geñ nom ñamaken teñ to ka ñaton teñ su ma gêgwan matac-matac samob tomalagen.

8 Go añela kêtú luagêcña gêjac dauc kêtañ ma gêñ amboac ja geñ lôc kapôên teñ gêú tau kêsêp gwêc gêja. Gwêc tau sêwa kêkôc gêja têtêac ma ñateñ kêtú dec.

9 Ma sêwa gêñ mateñ jali, tañ sêsê awen sêmoa gwêc nan, to wan, tañ sêpoac gwêc nan, kêkôc gêja toñ têtêac ma gêñ mateñ jali nêñ toñ teñ to wan ñaton teñ sêjaña.

10 Go añela kêtú têtêacña gêjac dauc kêtañ. Ma utitalata kapôên teñ kêpôp aña umbon kêtôm dawen ñawaô. Ma sêwa bu samob kêkôc gêja têtêac, tec jakêsêp ñateñ to kêsêp bumata gêwiñ.

11 Ma utitalata tau ñaê gebe Ñamakic. Ma bu têtêac tau ñateñ ñamakic kêsa. Ma ñamalac taêsam sênôm bu ñamakic tau, tec sêmac êndu.

<sup>12</sup> Go anjela kêtû aclêña gêjac dauc kêtañ. Ma sêwa oc kêkôc gêja ñamakenj têléac ma sêwa ajônj kêkôc gêja ñamakenj têléac to sêwa utitalata kêkôc gêja tonj têléac. Ma oc ñamakenj tenj to ajônj ñamakenj tenj ma utitalata ñatonj tenj gêjam kanuc. Ma têm oc to ajônj ma utitalata kêpô nomña kêtû dambê kêtôm tonanjenj.

<sup>13</sup> Go galic to ganjô momboanjenj tenj gêlôb gêmoa umbonj ñalabu ma gêmôéc ña awa kapôênj gebe “Ojae, ojae, ojae, lau tañ sêngônj nom nanmênj. Anjela têléac tec sêmoa. Nêñ dauc embe êtañ, oc êsêacmênj sêngônj naeo ñanôgoc.”

## 9

<sup>1</sup> Go anjela kêtû lemenjenj tenj gêjac dauc kêtañ. Ma galic utitalata tenj kêpôp anja umbonj kêsêp nom gêja, ma sêkênj ki gamênj ñakêlêndinjenj secña gêdênjenj.

<sup>2</sup> Ma enj kêlai gamênj ñakêlêndinjenj ñakatam su ma jadaunjenj kêpi anja gêsunjenj tau tonanjenj kêtôm ja genjenj oba ñatêtac mênjgêjam oc to gamênjenj auc e ñakesec kêsa.

<sup>3</sup> Ma wagô sêsa anja jadaunjenj ñalêlôm mênjsêjam nom auc, ma nêñ ñaclai kêtôm alidêbu nomña nêñ.

<sup>4</sup> Ma binjenj gêdênjenj êsêac gebe sêngôm gêgwanjenj nomña to gênjenj ñalaunjenj matac-matac ma ka sec atom, têtû kasec ñamalac, tañ sepenjenj Anôtônê ñatalô kêpi êsêac tenjbejenjenj atom nanjenjenj.

<sup>5</sup> Mago wagô tau têtôm gebe sênac ñamalac êndu atom, sêlôc gebe sêlênsu êsêacgenjenj êtôm ajônjenjenj lemenjenjenj tenjenj. Sêlênsu êsêac ña ñandanjenjenj êtôm alidêbu êñac lau ñanandanjenjenj.

<sup>6</sup> Êndênjenjenj ñasawa tonanjenjenj ñamalac sêngôm gênjêlêlôm gebe sêmac ênduña, mago sêngôm elê mê. Êsêac oc

sênam awen su gebe sêmac êndu, mago gêmác oc êc êsêac sugen.

<sup>7</sup> Wagô tau njanô amboac hos, tan sêmasan kêtú sinja nan. Êsêac sêkuc gên amboac sunsun gold, ma êsêac lanôjanô amboac namalac lanôanô.

<sup>8</sup> Êsêac môkênlaun baliñ amboac lauonên ma lunlun amboac lewenên.

<sup>9</sup> Talic êsêac bônđagi amboac maluku ki gêsan auc, ma nên magên nakicsêa amboac kareta, tan hos taêsam sê ma sêlêti kêtú sinja nan.

<sup>10</sup> Ma nên lênguc tokêm amboac alidêbunên, ma nên naci lai gêc nalênguc tau nalêlôm, gebe têtú kasec namalac êtôm ajô lemen ten.

<sup>11</sup> Anjela gamên nakêlêndin secña kêtú nên kin, né ñaê ña Ebolai awen gebe Abadon, ma ña aêac awen gebe ñac-gesen-gên-ñsamob-suwaga.

<sup>12</sup> Ojae namatanja mêngêja su. Ojae luagêc gacgen gêc, oc mêngêsa êtu namu.

<sup>13</sup> Go anjela kêtú ñña gêjac dauc kêtan. Ma aê ganô awa ten kêsá anja jabo aclê, \*tan gêsac altar gold, tan kêkô Anôtô lanônêmña nan nakêclêsu.

<sup>14</sup> Awa tau kêsôm gêdên anjela kêtú ñña, tan kêkôc dauc nan, gebe “Ôngamboac anjela aclê, tan sêkô êsêac tôñ sêmoa bu kapôên Euprat nan su.”

<sup>15</sup> Ma en kégaboac anjela aclê tonan su. Anjela tau sêmasan taun kêpi jala tonan ñaajôn to nabêc ma ñaockatu su gebe sêwa namalac samob êkôc êna ton têlêac ma sênac namalacnên ton têlêac tau naten êndu.

<sup>16</sup> Ma aê ganô sêsa sinwaga, tan sêngôn hos ñaô nan, nên namba sa, ma namba tau 200 million.

17 Ma katuc kainj tenj kêsa e galic hos to lau, tanj sêngônj ñaô nanj. Êsêacnêj maluku kokoc kêtôm ja to majanj-majanj ma jonjonj. Ma hos tau môkêñapac amboac lewenêj, ma ja to jadaunj ma talao kêsa êsêac awenjsunj.

18 Gêñwapac têlêac tonec ja to jadaunj ma talao, tanj kêsa êsêac awenjsunj nanj, gesenj ñamalac, tanj sêwa kêkôc gêja tonj têlêac nanj, ñatenj su.

19 Hos tau nêj ñaclai ñam kêsêp êsêac awenjsunj to nêj Iêñuc. Nêj Iêñuc tomôkêñapac amboac moac. Ma môkêñapac tau tonanj têtû kasec ñamalac.

20 Ma ñamalac ñagêdô, tanj gêñwapac tonanj gesenj êsêac su atom nanj, sêjam taunj ôkwi anja nêj kôm, tanj lemenj sêgôm nanj atom. Êsêac tetenj mec gêdêj ñalau sec sêwi sinj atom ma tetenj mec gêdêj gwam, tanj sêmasanj ña gold to silber ma ki to poc ma ka, ma têtôm gebe sêlic gamêj to sêjô binj ma sêsêlêj atom nanj.

21 Ma êsêac sêjam taunj ôkwi anja nêj lêj sêjac ñamalac êndu to nêj sôlônj toê-toê ma nêj lêj mockainjo to mockainja ma nêj binj genjenja atom. \* jabo kapôênj aclê ma sêkêj jabo ñakatu tau kêkô altar ñakêclêsu aclê. ma êkêj Jabo akatu tau k k altar akacñu acñ.

## 10

### *Anjela to buku saunj*

1 Go galic anjela ñajana tenj anja undambê kêsêp gêmêj. Enj kêkôm tau auc ña tao, ma kasômbuc

---

\* **9:21:** Lau Juda sêmasanj nêj ñagêlônj tenj. Êsêac sêsap

teñ gêsac eñ mômêapac, ma lanjôanô amboac oc ma akaiñ amboac alê ja.

<sup>2</sup> Buku sauj teñ kêkac tau sa kwananjen kêsêp eñ lêma. Ma ketoc akaiñ anôña kêkô gwêc ma gasêña kêkô bau.

<sup>3</sup> Go eñ gêmôêc ña awa kapôêñ amboac lewe kêtañ. Eñ gêmôêc su, go wapap 7 sêjac ma sêsôm biñ.

<sup>4</sup> Wapap 7 sêsôm biñ su, ma gabe jato biñ tau. Mago ganjô awa teñ kêsa anja undambê gêmên gebe “Biñ tañ wapap 7 sêsôm nañ, ênêc aômñagenj, oto sa atom.”

<sup>5</sup> Go anjela, tañ galic eñ kêkô gwêc to bau nañ, gêôc lêma anôña sa kêpi undambê gêja,

<sup>6</sup> ma kêtôc lêma kêpi ñac mata jaliña, tañ gêmoa tenjenj ma tenjenj.

Ñac tau kêkênj undambê to ñagênj samob ma nom to ñagênj samob ma gwêc to ñagênj samob. Ma anjela kêsôm gebe “Têm oc êmbacné.

<sup>7</sup> Êndênj tañ anjela kêtû 7ña ênac dauc êtañ nañ, Anôtô oc ênac dabinj nê biñ ñalêlômña, amboac kêsôm ñawae ñajam aê gadênj propete, tañ têtû ênê sakiñwaga nañ.”

<sup>8</sup> Ma awa, tañ ganjô kêsa anja undambê gêmênj nañ, kêsôm biñ gêdênj aê kêtiam gebe “Ôna ma ôkôc buku, tê kêkac tau sa kwananjen kêsêp anjela, tañ kêkô gwêc to bau nañ, lêma né su.”

<sup>9</sup> Tec aê gadênj anjela tau gaja ma kasôm gêdênj eñ gebe “Ôkênj buku sauj tonañ êndênj aê.” Ma eñ kêsôm gêdênj aê gebe “Ôkôc wacônij. Buku tau oc êngôm nêm ñatêtacsêga ñamakic êsa. Mago awamsuj oc ênsaê ñakana amboac lêp.”



<sup>10</sup> Ma kakôc buku saun tau su anğa anjela lêma ma mênğaen e kêsaê ñakana amboac lêp gêc aocsun. Aê kadanğon su, go ñoc ñatêtacsêga ñamakic kêsa.

<sup>11</sup> Ma sêsôm gêdên aê gebe “Oc bin lasê êtiamman êpi lau to-m-to-m to lau toton-toton ma lau awen ten-awen ten ma kin tokin.”

## 11

### *Sêwa-bin-sa-ñanjenwaga luagêc*

<sup>1</sup> Go sêkên ôpic ten kêtôm tôc tanam dôn gênğa gêdên aê ma sêsôm gêdên aê gebe “Ôndi naôn timer dôn Anôtônê lôm dabun to altar ma êsêac, tan teten mec sêmoa lôm dabun ñalêlôm nan.

<sup>2</sup> Mago ondec malaclun lôm dabun ñamagêña ênêcña, ônam dôn atom, gebe sêkên gêdên lau samuc sêwê kain ma êsêac oc sêka malac dabun popoc êtôm ajôn 42.

<sup>3</sup> Ma aê oc jakên ñoc sêwa-bin-sa-ñanjenwaga luagêc. Êsêagêc sêsô talu sa ma seoc bin lasê êtôm bêc 1,260.”

<sup>4</sup> Ñac ulu tonan têtôm katêkwi luagêc me jakain luagêc, tan sêkô nom Ñatau lanôn timer nan.

<sup>5</sup> Ma ten embe taê ênam gebe êtu kasec êsêagêc, go ja êsa êsêagêc awensun e naênin agêcnên ñacjo su. Ten embe taê ênam gebe êtu kasec êsêagêc, nan sensen en su ña ja êtôm tônêgen.

<sup>6</sup> Ñaclai gêdên êsêagêc gebe sêmbôc umbon auc e kom ten ênac êndên bêc êsêagêc seoc bin lasêña atom. Ma ñaclai gêdên êsêagêc gebe sênam bu ôkwi êtu dec. Ma êsêagêc oc sêlênsu nom ña gênwapac tokain-tokain êtôm tan taên gêjam nan.

<sup>7</sup> Êndênj tañ sênac dabinj nêj kôm sêwa binj saña nanj, bôc tau oc êpi anja ñakêlêndinj sec mênênac sinj êndênj êsêagêc e êku êsêagêc tulu ma ênac êsêagêc êndu.

<sup>8</sup> Ma êsêagêcnênj ñawêlêlanj oc ênêc malacsêga ñaintêna. Êsêac sêlêwinj malac tau gebe Sodom to Aiguptu. Anja malac tonanj êsêac sêjac êsêagêcnênj Apômtau kêpi kakesotau.

<sup>9</sup> Ma lau anja lau to-m-to-m ma lau tomôkê-tomôkê to lau awenj teñ-awenj teñ ma lau totonj-totonj sêlic êsêagêcnênj ñawêlêlanj ênêc êtôm bêc têlêac ma ñasêku ma sênac jao gebe sênsuj atom.

<sup>10</sup> Ma lau nomña oc têtú samuc êsêagêc sêmac êndunja ma têntac ñajam, tec sêkênj gêj ñajam-ñajam ñaômagenj êndênj taunj, gebe propete luagêc tonanj sêlêsu lau nomña.

<sup>11</sup> Bêc têlêac ma ñasêku gêjaña, go Nalau mata jalinja anja Anôtônê kêsêp êsêagêcnênj ñalêlôm gêja, tec agêc dêdi sêkô, ma êsêac, tañ sêlic êsêagêc nanj, têtêc taunj ñanô.

<sup>12</sup> Ma ñaclagêc tau sênô awa kapôênj kêsa anja undambê ma kêsôm gêdênj êsêagêc gebe “Api tonec amênj.” Go tao teñ kêsuj êsêagêc sa sêpi undambê sêja ma agêcnênj I acjo sêlic êsêagêc sêpi sêja.

<sup>13</sup> Ma gêdênj ñasawa tonanj ôjô gêjam kapôênj e malac tonanj ñaandu samob embe tawa êkôc êna tonj 10, nanj ñatenj gêjaña. Ma ôjô tau gesenj lau 7,000 su. Ma lau ñagêdô têtêc taunj, tec tetoc Anôtô undambênja sa.

<sup>14</sup> Ojae kêtú luagêcña tec mênjgêja su. Ma ojae kêtú têlêacña oc mênjêsa.

*Dauc kêtú 7ña*

15 Go aņela kêtû 7ŋa gêjac dauc kêtaj. Ma awen kapôêŋ kêsa aņga undambê gebe

“Aêacnêŋ Apômtau agêc nê Kilisi têtû nom ŋagamêŋ N̄atau,

ma eŋ oc ênam gôliŋ êmoa tengeŋ ma tengeŋ.”

16 Go laumata 24, taŋ sêŋgôŋ nêŋ lêpôŋ sêmoa Anôtô laŋônêm naŋ, sêu taŋ têtap labôcgeŋ sêc ma teteŋ mec gêdêŋ Anôtô gebe

17 “O Apômtau Anôtô, ŋaniniŋ N̄atau, taŋ gômoa gêdêŋ andaŋgeŋ ma galoc gômoa naŋ, aêac anam danġe aôm gebe kôwaka nêŋ ŋaclai kapôêŋ sa ma gôjam gôliŋ gômoa.

18 Lau samuc têtac ŋandaŋ kêsa, mago aôm têtac ŋandaŋ kêsa amboac tonanġeŋ.

Noc ômêtôc ŋacmatêŋa

to ôkêŋ ŋagêjô ŋajam êndêŋ propete, taŋ têtû nêŋ sakiŋwaga

to êndêŋ nêŋ lau ma êndêŋ êsêac lau sauŋ to kapôêŋ,

taŋ têtêc aôm nêŋ ŋaê naŋŋa, mênġêô lasê.

Noc onseŋ êsêac, taŋ sesen nom naŋ, tau tonec.”

19 Ma Anôtônê lôm dabuŋ aņga undambê ŋakatam gêlêc su e Anôtônê poac ŋakatapa, taŋ kêkô ênê lôm dabuŋ naŋ, kêtû awê. Go ôsic kêkac to gamêŋ ŋakicsêa kêsa ma wapap gêjac to ôjô gêjam ma kom-poc gêjac kapôêŋ.

## 12

### *Awê ma lêŋuckêm nêŋ biŋ*

1 Ma gêŋtalô kapôêŋ teŋ aņga undambê mênġkêsa gebe awê teŋ kêsô oc kêtû nêŋ ŋakwê ma kêkô aġôŋ ŋaô ma kêkuc utitalata 12 kêtû sunsuŋ.

<sup>2</sup> Awê tau taê ma ñapalê kêtun en gebe êkôc, tec gêngôn jageo ma kêwakic.

<sup>3</sup> Go gêntalô ten anga undambê mênkêsa. Lêñuckêm bomsamuc kapôên ten tomôkêapac 7 ma ñajabo 10 kêkuc sunsun 7.

<sup>4</sup> Ma nê Iêñuc gêbam utitalata umbonña tonj têtêac tonan ñaten pinpan, ma kêpalip kêsêp nom gêja. Go lêñuckêm jakêkô awê, tan gebe êkôc ñapalê nan lanônêm. En kêkô ma kêsaê gebe awê êkôc ñapalê su acgom, go en êdanğôn ñapalê tau su.

<sup>5</sup> Awê tau kêkôc ñapalê ñac. Ñapalê tau tonan oc ênam gôlinj lau samuc samob ña tôcki. Go gêñ ten kêjanğo ñapalê su gêdên Anôtô to nê lêpôn gêja.

<sup>6</sup> Ma awê tau kêsa gamên sawa gêja. Anôtô tau kêmasan gamên ñasawa ten kêtun enña gebe sêlôm en anğa tônê êtôm bêc 1,260.

<sup>7</sup> Go sinj kêsa anğa undambê. Mikael to nê anjela sêjac sinj gêdên Iêñuckêm. Ma lêñuckêm to nê anjela sêjac sinj gêdên êsêac,

<sup>8</sup> mago sêku êsêac tulu atom, tec lêñuckêm to nê anjela nêñ ñasawa ten gêc undambê kêtiam atom.

<sup>9</sup> Êsêac têtin Iêñuckêm kapôên, moac lanğwa tau, tan sêsam en gebe Ñackêlênsôn-binğwaga me Sadan nan su. Ñac tau kêsau nom ñagamên samob. Êsêac têtin en to nê anjela su sêsêp nom sêja.

<sup>10</sup> Go ganô awa kapôên anğa undambê kêsa gebe “Galoc moasinj to ñajanja ma gôlinj kinğa gêmu gêdên aêacnên Anôtô gêja.

Ma ênê Kilisinê ñaclai kêsa, gebe têtin ñac, tan kêkô Anôtô lanônêm ma kêgôlinj binj kêpi aêacnên lasitêwai nan su. Enj kêgôlinj binj kêpi êsêac kêtôm bêc to gelenğen.

11 Ma êsêac sêku enj tulu ña Dombanê dec to ña nêñ binj, tañ sêwa sa nañ.

Êsêac têtac gêwiñ gebe sêmoa maten jali atom, tec sêmac êndu.

12 Amboac tonan undambê to amac, tañ anğôñ undambê nañ, têtac ñajam êsa.

Ojae, nom to gwêcmêñ,

Sadañ kêsêp gêdêñ amac gêwac totêtac ñandan kapôêñ,

gebe enj kêjala su gebe nê têm kêtú dambêgac.”

13 Gêdêñ tonañ Iêñuckêm kêjala gebe têtin enj su kêsêp nom gêja, tec kêjanda awê, tañ kêkôc ñapalê ñac nañ.

14 Ma sêkêñ momboañ kapôêñ ñamagê luagêc gêdêñ awê tau, gebe êiôp êna nê mala, tañ gêc gamêñ sawa nañ. Êsêac oc sêlôm enj anğa tônê êtôm jala têlêac ma ajôñ 6, gebe êmoa jaêc moac.

15 Tec moac gêluc bu kapôêñ kêsa awasun kêdaguc awê tau gêja, gebe êc enj su.

16 Mago nom gêjam awê tau sa ma gêña awasun e kêdanğac bu, tañ Iêñuckêm gêluc kêsa awasun nañ su.

17 Tec Iêñuckêm têtac ñandan gêdêñ awê tau ma gêja gebe ênac sinj êndêñ ênê wakuc ñagêdô, tañ sêmasañ Anôtônê binjsu to sêwa Jesunê mêtê sa nañ.

18 Ma Iêñuckêm kêkô ambêô.

## 13

### *Bôc luagêc nêñ binj*

1 Go galic bôc teñ kêpi anğa gwêc gêmêñ. Bôc tau nê jabo 10 ma môkêapac 7. Ma sunsunj 10 gêsac nê jabo ñaô ma teto ñaê alôb-alôb gêsac môkêapac.

<sup>2</sup> Ma bôc tau, taŋ galic naŋ, ŋalaŋô amboac pusip saleŋŋa kapôêŋ ma akaiŋ amboac iwanê ma awasuŋ amboac lewe awasuŋ. Ma lêŋuckêm kêkêŋ nê ŋajaŋa to nê lêpônŋ ma nê ŋaclai kapôêŋ gêdêŋ eŋ.

<sup>3</sup> Ma sêlic bôc tau nê môkêapac tau ŋateŋ kêtôm sêjac êndu, mago ŋakamoc sec tau gêmô. Tec lau nomŋa samob sê taêŋ ma têtadaguc bôc tau.

<sup>4</sup> Ma êsêac teteŋ mec gêdêŋ lêŋuckêm gebe kêkêŋ ŋaclai gêdêŋ bôc, go teteŋ mec gêdêŋ bôc tau ma sêsôm gebe “Asa kêtôm bôc tonanŋ ma asa kêtôm gebe ênac siŋ êndêŋ eŋ.”

<sup>5</sup> Ma Anôtô gêlôc gebe bôc etoc tau sa ŋa awasuŋ kapôêŋ to êsôm biŋ alôb-alôb, ma kêkêŋ ŋaclai gêdêŋ eŋ gebe êŋgôm gêŋ tau êtôm ajônŋ 42.

<sup>6</sup> Bôc tau gêŋa awasuŋ ma kêsôm biŋ alôb-alôb kêpi Anôtô to kêpi ênê ŋaê to ênê andu ma kêpi êsêac, taŋ sêŋgônŋ undambê.

<sup>7</sup> Ma Anôtô gêlôc gebe eŋ ênac siŋ êndêŋ Anôtônê lau e êku êsêac tulu. Ma kêkêŋ ŋaclai gêdêŋ eŋ gebe êtu lau tomôkê-tomôkê to lau to-m-to-m ma lau aweŋ teŋ-aweŋ teŋ to lau totonŋ-totonŋ samob nêŋ ŋatau.

<sup>8</sup> Ma lau nomŋa samob oc teteŋ mec êndêŋ bôc tau. Mago gêdêŋ taŋ Anôtô kêkêŋ undambê to nom atomgeŋ naŋ, lau tonanŋ nêŋ ŋaê kêsêp Domba, taŋ sêjac êndu naŋ, nê buku mata jaliŋa atom.

<sup>9</sup> Ŋac teŋ nê taŋasuŋ embe ênêc, naŋ, êŋômanŋ.

<sup>10</sup> Embe ênac ŋac teŋ ŋawae gebe êŋgônŋ kapoacwalô,  
oc êsêp kapoacwalô êna.  
Ma embe ênac ŋac teŋ ŋawae gebe sênac eŋ ŋa siŋ êndu,  
oc sênac eŋ êndu.

Amboac tonañ Anôtônê lau sêoc gêñwapac totêntac êpa sugen ma sêkên êwiñ.

<sup>11</sup> Go galic bôc tauña ten kêpi ança nom ñalêlôm gêmêñ. Bôc tonañ nê jabo luagêc kêtôm dombanê, mago kêsau biñ kêtôm lêñuckêm.

<sup>12</sup> Ma gêjam kôm ña bôc ñamataña nê ñalci gêmoa bôc tau lanônêmña. Ma kêkac nom to êsêac, tañ sêñgôn nom nañ, gebe teten mec êndên bôc ñamataña tonakamoc sec, tañ gêmô su nañ.

<sup>13</sup> Ma en gêgôm gêñtalô kapôên-kapôên. En kêkên ja kêsêp ança undambê gêmên nom mên-ñamalac samob sêlic.

<sup>14</sup> Bôc tau kêsau gêoc lau nomña samob ña gêñtalô, tañ Anôtô gêlôc gebe êñgôm êmoa bôc ñamata ñalanônêm nañ. Ma bôc tau kêsôm gêdên lau nomña gebe sêmansañ bôc, tañ kêtap siñ ñakamoc sa, mago gêmoa mata jali nañ, nê ñakatu ten.

<sup>15</sup> Ma Anôtô gêlôc, tec bôc tau gêju awajaô mata jali kêsêp bôc ñakatu gebe bôc ñakatu êsôm biñ ma enen êsêac, tañ teten mec êndên ñakatu atom nañ su.

<sup>16</sup> Ma bôc tau kêkac ñamalac samob, lau sauñ to kapôên ma lau tolêlôm to lau ñalêlôm sawa ma lau, tañ sêmoa nêñ lêtêgen nañ, to gêñôma gebe sepen ñatalô ten ênêc lemen anôña me tenbelen.

<sup>17</sup> Ñac ten embe êtap ñatalô tonañ sa atom, oc êtôm gebe ênam ôli gêñ me êkên gêñ êndên lau sênam ôli atom. Ñatalô tonañ bôc tau nê ñaê me ñaê tau ñanamba.

<sup>18</sup> Amboac tonañ lau tokauc mêtêña taên ênam biñ tau acgom. Ñac tokauc êkip bôcnê namba ñam samañ, gebe namba tau ñamalac ten nê. Ma namba tau 666.

# 14

## *Lau 144,000 nêḡ wê*

<sup>1</sup> Go gaôc matocanô sa ma galic Domba tau kêkô lôc Sion ma lau 144,000, taḡ teto êsêagêc Tama nêḡ ḡaê kêpi êsêac teḡbeleḡ naḡ, sêkô sêwiḡ eḡ.

<sup>2</sup> Ma gaḡô awa teḡ kêsa aḡga undambê kêtôm bu taêsam ḡakicsêa ma kêtôm wapap gêjac kapôêḡanô. Ma gaḡô awa tau amboac lau wêḡa sêjac nêḡ gêḡ wêḡa kêtḡaḡ.

<sup>3</sup> Lau tau sêjam wê wakuc teḡ sêkô lêpônḡ kiḡḡa to bôc aclê ma laumata laḡônḡnêḡmḡa. ḡac teḡ kêtôm gebe êḡô wê tonḡ e êtu tôḡ eḡ atom, lau 144,000 taḡḡeḡ, taḡ Domba gêjam ôli êsêac su aḡga nom naḡ, tec sêjam.

<sup>4</sup> Lau tonḡ ḡai têtḡ sec gêdêḡ lauo atom, sêmoa tonêḡ ḡalêlôm ḡawasigeḡ. Êsêac têdaguc Domba sêsa intêna samob, taḡ eḡ kêsa naḡ. Domba gêjam ôli êsêac su aḡga ḡamalacnêḡ e têtḡ Anôtô agêc Domba nêḡ gêḡ ḡanô ḡamêc.

<sup>5</sup> Biḡdansḡ teḡ kêsa êsêac awenḡsuḡ atomanô, gebe êsêacnêḡ keso masi.

## *Aḡela têlêac nêḡ biḡ*

<sup>6</sup> Go galic aḡela teḡ gêlôb gêmoa undambê ḡalêlôm. Eḡ kêkôc ḡawae ḡajam teḡḡeḡḡa teḡ gebe êsôm lasê êndêḡ lau, taḡ sêḡḡônḡ nom naḡ, ma êndêḡ lau totoḡ-totoḡ samob to lau tomôkê-tomôkê ma lau awenḡ teḡ-awenḡ teḡ to lau to-m-to-m.

<sup>7</sup> Eḡ kêsôm ḡa awa kapôêḡ gebe “Atêc Anôtô to atoc eḡ taḡeḡ sa, gebe ênê mêtôc ḡanoc mêḡkêsa. Ateḡ mec êndêḡ ḡac, taḡ kêkêḡ undambê to nom ma gwêc to bumata naḡ.”



<sup>8</sup> Ma anjela tenj kêdaguc mênjkêtu luagêc ma kêsôm gebe “Sêku Babel kapôênj tulu, sêku tulugac, Babel tau kékêj nê wain têtac ñakalacña gêdêj lau samuc sênôm.”

<sup>9</sup> Go anjela tenj kêdaguc êsêagêc mênjkêtu têlêac. Enj kêsôm ña awa kapôênj gebe “Tenj embe etenj mec êndênj bôc to êndênj nê ñakatu ma êkôc ñatalô ênêc têbêla me lêma,

<sup>10</sup> nanj oc ênôm wain Anôtônê têtac ñandanña, tanj kékêc kêsêp nê têtac ñandanj ñalaclu, kêgaluj gêwiñ gêj tenj atom. Ma sêlênsu ñac tau ña ja to talao anja anjela dabuj to Domba lanôjnêmña.

<sup>11</sup> Ja tanj êlênsu êsêac nanj, ñajadauj oc êpi endenj tôjgenj. Êsêac tanj tetenj mec gêdêj bôc to gêdêj ênê ñakatu ma sêkôc ênê ñaê ñatalô sa nanj, oc sêniñ awenj atom êtôm bêc to elenjenj.”

<sup>12</sup> Amboac tonanj Anôtônê lau, tanj sêmasanj Anôtônê biñsu to sêkêj gêwiñ Jesu nanj, sêoc gêñwapac totêntac êpa sugenj.

<sup>13</sup> Go ganô awa tenj kêsa anja undambê gebe “Oto gebe Aê aoc êôc lau, tanj Apômtau gêbiñ êsêac tôj ma sêmac êndu galoc ma êndênj bêc ñamuña samobgenj.” Ñalau Dabuj kêsôm gebe “Biñjanô, êsêac oc sêwi nêj kolenj siñ ma sêniñ awenj gebe nêj kolenj ñanô kêdaguc êsêac.”

### *Têm sejoj kôm ñanô sanja*

<sup>14</sup> Go gaôc matocanô sa ma galic tao sêpsêp tenj ma ñac tenj amboac ñamalacné latu gêngônj tao tonanj ñaô. Enj kékuc sunsunj gold ma lêma kêmêgôm bôjan jalô ñamata tenj.

<sup>15</sup> Ma anjela tauña tenj kêsa anja lôm dabuj mênjgêmôêc ña awa kapôênj gêdêj ñac, tanj gêngônj

tao ñaô nan, gebe “Ôsakin nêm bôjan jalô naônêc kôm ñanô sa gebe noc tajon kôm ñanô sanja mênkêsa ma gêñ nomña kêtú lêwê su.”

<sup>16</sup> Tec ñac, tañ gêñgôn tao ñaô nan, gêjac bôjan jalô kêsêp nom ma gêjac nom ñakôm ñanô sa.

<sup>17</sup> Go anela taunja teñ kêsá anga lôm dêbuñ, tañ kêkô undambê nan, gêmên ma gêôc bôjan jalô ñamata teñ amboac tonañ.

<sup>18</sup> Go anela taunja teñ kêsá anga altar gêmên gêwiñ, nan kêtú ja ñatau ma gêmôêc ña awa kapôên gédên ñac tobôjan jalô ñamata tonañ gebe “Ôsakin nêm bôjan jalô ñamata êna ma ojon ñanô anga nom ñakôm wainña sa, gebe wain ñanô kêtú lêwê su.”

<sup>19</sup> Go anela gêjac nê bôjan jalô kêsêp nom ma kejon wain ñanô anga nom sa jakêbaliñ ñanô tau kêsêp sêpip wain ñamala kapôên. Ñamala tau tonañ Anôtônê têtac ñandan.

<sup>20</sup> Êsêac sêpip wain ñanô sêmoa malac ñamagê e dec kêsá sêpip wain ñamala tau. Dec tau kêsun kêtôm gebe ênôm hos auc e êndên ñagôliñ ma ke-selen gêja kêtôm 300 kilometer.

## 15

### *Anela togeñwapac ñamuña tau*

<sup>1</sup> Go galic gêñtalô-kapôên kain teñ gêc undambê. Anela 7 sêkôc gêñwapac ñamuña 7 tau. Anôtônê têtac ñandan oc ênac dabin tau êpi gêñwapac tonec.

<sup>2</sup> Ma galic gêñ amboac gwêc, nan kêtôm glas sêgalun gêwiñ ja. Ma galic lau, tañ sêku bôc to nê ñakatu ma nê ñaê ñanamba tulu nan, sêkôc Anôtônê geñ wêña sêkô gwêc glas tau ñatali.

<sup>3</sup> Êsêac sêjam Anôtônê sakinwaga Mose nê wê ma Dombanê wê gebe

“O Apômtau Anôtô, ñaniniñ Natau, aômnêm kôm kapôên to kain tenj. O lau totonj-totonj samob nêñ kin, aômnêm lêñ samob jagêdên to binjanô.

<sup>4</sup> O Apômtau, asa oc êtêc aôm atom, ma asa oc etoc aômnêm ñaê sa atom.

Gebe aôm taômgenj dabunj.

Lau totonj-totonj samob mênjtetenj mec êndên aôm, gebe nêm iênj kômêtôc binj jagêdênña kêtû awê sugac.”

<sup>5</sup> Tonañ su, go galic lômbec undambêña, tañ kêtû Anôtô gêmoa gêwinj nê lau ñabelo nan, ñakatam gêlêc tau su.

<sup>6</sup> Ma añela 7, tañ sêkôc gêñwapac 7 nan, sêsa aña lôm dêbunj sêmênj. Êsêacnênj ñakwê ñawasi e ñaeb ñaôma ma sêjandiñ ômbinjak gold gêsac bônjdagî.

<sup>7</sup> Go bôc aclê nêñ tenj kêkênj laclu gold 7 gêdênj añela 7 ma Anôtô mata jali tenjenj ma tenjenña nê têtac ñandanj kêsêp laclu tau e mênjgêc.

<sup>8</sup> Ma Anôtônê ñawasi to nê ñaclai ñajadaunj gêjam lôm dabunj ñalêlôm auc ma ñac tenj kêtôm gebe êsô lôm dabunj êna atomanô e añela 7 nêñ gêñwapac mênjênac pep acgom.

## 16

### *Anôtônê têtac ñandanj ñaclu 7*

<sup>1</sup> Ma ganô awa kapôênj kêsa aña lôm dabunj ma kêsôm gêdênj añela 7 tonañ gebe “Ana akêc Anôtônê têtac ñandanj ñaclu 7 êsêp nom êna.”

<sup>2</sup> Go aņela ņamata jakêkêc nê laclu kêsêp nom gêja. Ma lau, taņ sêkôc bôcnê ņatalô sa to teten mec gêdêņ ênê ņakatu naņ, têtap gwatêlê sec to ņandaņ sa.

<sup>3</sup> Go aņela kêtû luagêcņa kêkêc nê laclu kêsêp gwêc gêja e kêtû dec. Ma dec tau amboac ņacmatê ņadec. Ma gêņ maten jali samob, taņ sêmoa gwêc naņ, sêmac endu.

<sup>4</sup> Go aņela kêtû têlêacņa kêkêc nê laclu kêsêp bu to bumata samob gêja e kêtû dec.

<sup>5</sup> Ma aê gaņô bu tau ņaņela kêsôm gebe  
 “O ņac dabuņ tau, taņ galoc gômoa to andanņ  
 gômoa naņ,  
 aôm ņac gêdêņ, tec kômêtôc biņ ņalêņ amboac  
 tonanņ.

<sup>6</sup> Êsêac sêkêc Anôtônê lau to propete nêņ dec siņ,  
 ma galoc kôkêņ dec gêdêņ êsêac sênôm.  
 ņagêjô tonanņ jakêtôm êsêacnêņ keso solop.”

<sup>7</sup> Ma gaņô awa kêsa aņga altar gebe  
 “Biņņanô, Apômtau Anôtô, ņaniniņ ņatau,  
 aômnêm mêtôc tau biņņanô to jagêdêņgoc.”

<sup>8</sup> Go aņela kêtû aclêņa kêkêc nê laclu kêsêp oc e kêkêņ oc ņaja kapôêņ kêpac ņamalac.

<sup>9</sup> ņandaņ kapôêņ tau kêpac ņamalac, e sêsôm biņ alôb-alôb kêpi Anôtônê ņaê, gebe ênê ņaclai kêtû gêņwapac tonanņ ņamôkê, tec sêjam taunņ ôkwi ma tetoc eņ sa atom.

<sup>10</sup> Go aņela kêtû lemeņ teņņa kêkêc nê laclu kêsêp bôc tau nê lêpônņ. Ma bôcnê gamêņ samob ņakesec kêsa. Ma ņandaņ gêgôm ņamalac e sêņac imbelenņ.

<sup>11</sup> Ma sêsôm biņ alôb-alôb kêpi Anôtô undambêņa kêtû nêņ ņandaņ to gwatêlêņa. Mago sêjam taunņ ôkwi sêwi nêņ lêņ lanğwa siņ atom.

12 Go anjela kêtû 6ᵗᵃ kêkêc nê laclu kêsêp bu kapôêᵇ Euprat e bu tau kêpa. Gêgôm tonanᵇ gebe êmansanᵇ kinᵇ anᵇa oc ᵇamᵇa nêᵇ intêna.

13 Ma aê galic ᵇalau ᵇatêmui têtêac amboac ôpoac sêsa anᵇa lêᵇuckêm agêc bôc ma propete dansanᵇ awenᵇsuᵇ sêmêᵇ.

14 Êsêac ᵇalau sec, taᵇ sêgôm gêᵇtalô nanᵇ, nêᵇ ᵇalau. Êsêac dêdêᵇ kinᵇ, taᵇ sêᵇgôᵇ têtôm nom ᵇagamêᵇ samobᵇenᵇ nanᵇ sêja, gebe sejoᵇ êsêac sa ma sênac siᵇ êndêᵇ ᵇaniniᵇ ᵇatau Anôtô nê bêc kapôêᵇ.

15 “Alic acgom, aê oc jawac amboac ᵇacᵇenᵇenᵇ. Aê aoc êoc êsêac, taᵇ sêjam jali ma sêsô nêᵇ ᵇakwê banᵇenᵇ nanᵇ, gebe sêsêlêᵇ toôliᵇ ᵇaôma e lau sêlic êsêac ôliᵇ ᵇagêᵇ majenᵇa atom.”

16 Go ᵇalau sec sêkac kinᵇ sa sêpi tagenᵇ anᵇa gamêᵇ, nanᵇ sêsam ᵇa Ebolai awenᵇ gebe Harmagedon.

17 Go anjela kêtû 7ᵗᵃ kêkêc nê laclu kêsêp ᵇalaulau. Ma awa kapôêᵇ kêsâ anᵇa lêpôᵇ kinᵇa, taᵇ kêkô lôm dabuᵇ nanᵇ, gebe “Gêjac dabiᵇ sugac.”

18 Ma ôsic kêkac to gamêᵇ ᵇakicsêa kêsâ ma wapap gêjac to ôjô gêjam secanô. Ôjô secanô amboac tonanᵇ gêjam gêdêᵇ têm ᵇamalac sêᵇgôᵇ nomᵇa teᵇ atomanô.

19 Malacsêga tau kêkac tau kêkôc gêja ᵇapopoc têtêac, ma lau samuc nêᵇ malac sêku sa. Ma Anôtô taê gêjam malac Babel kapôêᵇ, tec kêkêᵇ wain laclu teᵇ gêdêᵇ enᵇ gênôm. Wain tau ênê têtac ᵇandanᵇ kapôêᵇ.

20 Go nuc samob sêc su ma lôc samob malenᵇmê.

21 Ma kompoc ᵇamatu kapôêᵇ-kapôêᵇ, teᵇ

ņawapac kêtôm padi talu teņ gêjac aņga undambê kêsêp mênjkêpi ņamalac e ņamalac sêsôm binj alôb-alôb kêpi Anôtô kêtû kompoc tau ņagêņwapacņa, gebe gêņwapac tonañ kapôêņanô sec.

## 17

### *Awê mockainjo agêc bôc tau*

<sup>1</sup> Ma aņela 7, taņ sêkôc laclu 7 naņ, nêņ teņ kêsa mênjkêsôm gêdêņ aê gebe “Ômôêņ, aê jatôc mockainjo towae, taņ gêņgôn bu kapôêņ ņatali naņ, nê mêtôc êndêņ aôm.

<sup>2</sup> Kiņ nomņa sêgôm gêņ mockainņa gêdêņ eņ, ma lau taņ sêņgôn nom naņ, sênôm ênê wain mockainņa e kêjaņij êsêac.”

<sup>3</sup> Go katuc kain teņ kêsa e ņac tau gêôc aê kasa gamêņ sawa teņ gaja. Ma galic awê teņ gêņgôn bôc bomsamuc teņ ņaô, ma teto ņaê alôb-alôb gêjam eņ ôli auc. Ma bôc tau môkêapac 7 to nê jabo 10.

<sup>4</sup> Awê tau kêsô ņakwê asôsamuc to bomsamuc ma gêjam gêlôn tau ņa gold ma pocawa to kêkôm. Lêma kêkôc laclu gold, taņ awê tau nê mockainj ņagêņ môm to ņatêmui kêsêp e mênģêc.

<sup>5</sup> Ma teto ņaê teņ gêc eņ têbela, naņ ņam kêsêp lêlôm gebe “Babel kapôêņ, nom ņamockainjo samob to gêņ mômņa samob ņatêna.”

<sup>6</sup> Ma galic awê tau gênôm Anôtônê lau to lau, taņ sêwa Jesu sa naņ, nêņ dec e kêjaņij eņ.

Gêdêņ taņ galic eņ naņ, gaê taêc eņ ņanô.

<sup>7</sup> Mago aņela kêsôm gêdêņ aê gebe “Gôê taêm kêtû asageņņa. Aê oc jawa awê to bôc tomôkêapac 7 ma nê jabo 10, taņ kêbalaņ awê tau naņ, nêņ ņam kêsêp lêlômņa sa êndêņ aôm.

8 Bôc tañ gôlic nañ, gêmoa gêdêñ gêmunğen e galoc malamê, ma malôğen açgom, go êpi anğa gêsunğbôm êmêñ e ênaña. Lau tañ sênğôn nom nañ, oc sêlic bôc tau, tañ gêmunğen gêmoa e galoc malamê ma oc mênêô lasê êtiam nañ, ma sê taên. Mago gêdêñ tañ Anôtô kêkêñ undambê to nom atomğen nañ, lau tañ sê taên nañ, nêñ ñaê kêsêp buku mata jalina atom.

9 “Amboac tonañ lau tokauc mêtêña taên ênam biñ tau açgom. Môkêapac 7 têtôm lôc 7, tañ awê gênğôn ñaô, nañ. Môkêapac tau têtôm kiñ 7 amboac tonañ.

10 Kiñ lemeñ teñ sêjaña su. Teñ tec gêmoa. Ma teñ gêmêñ atom tageñ. Eñ embe êmêñ, oc êmoa ñasawa dambêğen.

11 Ma bôc tau, tañ gêmunğen gêmoa ma galoc malamê nañ, kêtû kiñ 8ña. Eñ anğa êsêac 7 nêñ, mago oc ênaña.

12 “Ma jabo 10, tañ gôlic nañ, têtôm kiñ 10, tañ sêkôc nêñ gôliñ kiñña sa atom tageñ. Mago êsêac oc sêkôc ñaclai kiñña sa êtôm ockatu ñasawa tageñğen sêwiñ bôc tau.

13 Êsêacnêñ biñ kêpi tageñ ma sêkêñ nêñ ñajaña to ñaclai gêdêñ bôc tau.

14 Êsêac oc sênac siñ êndêñ Domba, mago Domba tau oc êku êsêac tulu, gebe eñ kêtû apômtaunêñ Apômtau to kiñnêñ Kiñ. Ma lau, tañ eñ kêkalem to kêjaliñ êsêac sa ma têdaguc eñ ñanğenğen nañ, sênac siñ sêwiñ eñ.”

15 Go anğela kêsôm gêdêñ aê gebe “Bu tañ gôlic mockaino gênğôn ñatali nañ, kêtôm lau to-m-to-m

to lau tomôkê-tomôkê ma lau toton-toton to lau awen ten-awen ten.

<sup>16</sup> Ma jabo 10, taŋ gôlic naŋ, to bôc tau, naŋ têtac gedec mockaino. Êsêac sêjaŋgo ênê gêŋ samob su e êmoa ôli ŋaômagen êmoa nê tauŋa, ma sêniŋ ênê ŋamêsôm to sêkêŋ ja êniŋ eŋ su.

<sup>17</sup> Biŋ tonanê êsa gebe Anôtô kêkêŋ kêsêp êsêacnêŋ ŋalêlôm gebe sêŋgôm ênê biŋ êtu anô, tec kêkêŋ êsêacnêŋ ŋalêlôm kêpi tagen ma sêwi nêŋ gôliŋ kiŋŋa siŋ gêdêŋ bôc tau ênêc e Anôtônê biŋ ŋanô êsa acgom.

<sup>18</sup> “Ma awê, taŋ gôlic naŋ, kêtôm malacsêga, taŋ gêjam gôliŋ kiŋ nomŋa samob.”

## 18

### *Babel kêku sa*

<sup>1</sup> Tonan su, go galic aŋela tauŋa ten aŋga undambê kêsêp gêmêŋ, eŋ tonac lai kapôêŋ, ma nê ŋawasi kêpô nom.

<sup>2</sup> Eŋ gêmôêc ŋa awa kapôêŋ gebe  
 “Sêku Babel kapôêŋ tulu, sêku tulugac,  
 Babel kêt u ŋalau sec nêŋ malac sêŋgôŋŋa  
 ma kêt u ŋalau ŋatêmui to moc sec, taŋ ŋamalac  
 dedec naŋ ŋagêsuŋ,

<sup>3</sup> gebe lau samuc samob sênôm ênê wain mockainoŋa  
 to kiŋ nomŋa sêgôm mockain gêdêŋ eŋ  
 ma eŋ mata katu gêŋboa, tec gêjam ôli gêŋ gêdêŋ  
 lau-têtui-gaŋwaga nomŋa ŋawaô e êsêac têt u  
 lau toêlôm.”

<sup>4</sup> Go gaŋô awa ten kêsa aŋga undambê gebe  
 “O ŋoc lauac, awi malac tonan siŋ  
 asa amêŋ, gebe awê kainê ênê sec awiŋ atom,



ma atap ênê gêŋwapac sa awiŋ atom.

<sup>5</sup> Eŋ gêgôm sec jagêboa-jagêboa  
ma ŋatêpôê kêpi e jagêjam undambê tôn,  
ma Anôtô taê gêjam ênê lêŋ keso tonanŋ gêmoa.

<sup>6</sup> Anôm êndêŋ eŋ êtôm eŋ gêgôm gêdêŋ amac.  
Akêŋ ênê kôm sec ŋagêjô êndêŋ eŋ êtu dim luagêc.  
Eŋ kêjaliŋ gêŋ anômŋa tonaclai kêsêp laclu ten,  
tec amac ajaliŋ gêŋ tonaclai êsêp laclu ten êtu dim  
luagêc.

<sup>7</sup> Eŋ ketoc tau sa ma kêmoasiŋ tau ŋasec,  
tec akêŋ ŋagêjô ŋandanŋ to gêŋwapac ŋadônŋ êtôm ênê  
gêŋ tonanŋ.

Eŋ kêsôm gêdêŋ tau gêc nê ŋalêlômgenŋ gebe Aê  
awêtuc atom,  
aê ganŋônŋ kwinnê lêpônŋ  
ma gêŋwapac ten oc êtap aê sa atom.

<sup>8</sup> Kêtu tonanŋa gêŋ ŋandanŋ tonec ŋai êpi eŋ êndêŋ  
bêc tagenŋ gebe  
gêmacanô to gêŋwapac ma tôbôm to ja êniŋ eŋ  
gebe ênê mêtôcwaga, Apômtau Anôtô, eŋ ŋac  
ŋajaŋa.”

<sup>9</sup> Kiŋ nomŋa, taŋ sêgôm mockaiŋ gêdêŋ eŋ to  
sêmoasiŋ tauŋ ŋasec sêwiŋ eŋ nanŋ, êndêŋ bêc sêlic  
ja êniŋ gamêŋ ŋajadauŋ nanŋ, oc sênam awenŋ su to  
têtaŋ taŋiboa ŋanô êtu eŋŋa.

<sup>10</sup> Êsêac oc sêkô jaêcgenŋ gebe têtêc tauŋ êtu ênê  
andanŋa ma sêsôm gebe  
“Ojae, ojae, aôm malacsêga Babelma,  
aôm malac ŋajaŋa,  
mago sêmêtôc aôm gêdêŋ ockatu ŋasawa tagenŋen.”

11 Ma lau-têtulu-gêḡwaga nomḡa sêpuc taḡiboa sa ma têtaiḡ kêpi eḡ gebe lau teḡ oc sênam ôli êsêacnêḡ waba êtiam atom.

12 Waba tau tonec gold to silber ma pocawa to kêkôm ma obo sêpsêp to asôsamuc ma ḡawasi to bomsamuc, ka ḡamalu tokaiḡ-tokaiḡ ma andu ḡagêḡlêlôm, taḡ sêmasaḡ ḡa bôc ḡajabo to ḡa ka ḡajam-ḡajam ma ḡa ki kokoc to jejec ma ḡa poc ḡawasi,

13 ma môsê to katêkwi ma gêḡmalu to salinḡ ma gêḡmalu jadauḡḡa, ma wain to niptêkwi ma polom to jaḡgom ma bulimakao to domba ma hos to kareta ma gêḡôma to ḡamalacnêḡ katuḡ.

14 Ma lau-têtulu-gêḡwaga sêsôm gebe  
 “ḡanô taḡ gôgôm mocsac naḡ, kêtaiḡ tau su aḡga aômnêm.  
 Ma moasiḡ nomḡa to gêlôḡ samob gêwi aôm sinḡ gêjaḡa,

ma oc ôtap gêḡ tonaiḡ ḡai ḡateḡ sa êtiam atomanô.”

15 Lau-têtulu-gêḡwaga taḡ têtû lau tolêiôm kêtu eḡḡa naḡ, sêkô jaêcgeḡ gebe têtêc tauḡ kêtu ênê ḡandaḡḡa ma sêpuc taḡiboa sa ma têtaiḡ gebe

16 “Ojae, ojae, malacsêga tauma.

Eḡ kêsô ḡakwê kwalam-kwalam to asôsamuc ma bomsamuc  
 ma gêjam gêlôḡ tau ḡa gold to pocawa ma kêkôm.

17 Mago geḡ tolêlôm-tolêlôm tau gêjaḡa gêdêḡ ock-atu ḡasawa tagenḡeḡ.”

Ma kapitai waḡḡa samob ma lau, taḡ sêjam ôli waḡ gebe sêna gamêḡ teḡgamêḡ teḡ naḡ, ma lau waḡḡa to êsêac samob, taḡ sêjam kôm gwêcḡa naḡ, sêkô jaêcgeḡ.

18 Êsêac sêlic ja gen malac tau njadaun, tec têtanj ma sêsôm gebe

“Asa malac tej kêtôm malacsêga tônê.”

19 Êsêac segainj kekop mênșêpalip kêpi mômênapac ma sêpuc tanjiboa sa ma têtanj to sêmôêc gebe

“Ojae, ojae, malacsêga tauma.

Ênê gêñ tolêlôm-tolêlôm gêgôm lau samob, tanj nêñ wanj kêpoac gwêc nanj, têtuj lau tolêlôm.

Mago gêjaña gêdênj ockatu nșawa tagenjenj.

20 O undambê to Anôtônê lau ma aposolo to propete,

têmtac njam êsa êtu malac tônêña,

gebe Anôtô kêmêtôc malac tau gêjô sec,

tanj gêgôm gêdênj amac nanj sugac.”

21 Go anjela njajaña tej gêôc poctêmui kapôênjanôtêna tej sa ma gêu kêsêp gwêc gêja ma kêsôm gebe

“Sêu malacsêga Babel gôdub tagenj amboac tonanj ma têtap malac tau sa êtiam atomanô.

22 Ma sênac gêñ wêña to onj

ma sêju gasuc to sênac dauc êtanj anja nêm mala-cluj êtiam atom.

Ma têtap lau lemenj mêtêña tokainj-tokainj samob sa sêmoa aôm njalêlôm êtiam atom.

23 Lamp njawê tej êpô aôm êtiam atom,

ma sênô awêlagêc njac sênam tauñ nșanda anja aôm nêm êtiam atom.

Binj tonanj êtap aôm sa gebe aôm nêm lau-têtulugênwaga têtuj nom njatau kapôênjanô.

Ma kôsau lau samuc nomña samob nșa nêm binj beñña.”

24 Ma têtap propete ma Anôtônê lau to lau samob, tañ sêjac êndu anğa nom nañ, nêñ dec sa anğa malac tau.

## 19

1 Tonañ su, go gañô ñaôndu kapôêñ anğa undambê amboac lau taêsam awen, sêsôm gebe  
“Haleluja.

Aêacnêñ Anôtô kêtú moasiñ ênam aêac kêsina ma ñawasi to ñajana ñatau.

2 Ênê mêtôc samob biññanô to gêdêñ, gebe eñ kêmêtôc mockaino kapôêñ gêjô nê sakiñwaganêñ dec, tañ awê tau kêkêc siñ nañ.”

3 Go êsêac sêsôm kêtiam gebe  
“Haleluja.

Malacsêga tau ñajadauñ êpi êna enden tôngeñ.”

4 Go laumata 24 to bôc aclê tau sêu tañ jasêc ma teten mec gêdêñ Anôtô, tañ gêngôñ lêpôn kiñña nañ, gebe  
“Biññanô. Haleluja.”

### *Dombanê moasiñ awêña*

5 Ma awa ten kêsá anğa lêpôn kiñña gebe  
“Amac samob, tañ atu Anôtônê sakiñwaga, ma amac, tañ atêc eñ, samob, lau sañ to kapôêñ, alambin aêacnêñ Anôtô.”

6 Go gañô ñaôndu amboac lau taêsam awen ma amboac bu taêsam ñakicsêa to amboac wapap gêjac kapôêñanô gebe  
“Haleluja.

Gebe Apômtau aêacnêñ Anôtô, ñaniniñ Ñatau, kêkôc gôlin kiñña sa.

<sup>7</sup> Têntac ñajam to tatu samuc  
ma danğôm ênê ñawasi êsa,  
gebe Domba ênam awê sa ñanoc mênjkêsa  
ma ênê awê tau kêmasañ tau sugac.

<sup>8</sup> Sêkênj ñakwê sêpsêp toñawasi enj kêsô.  
Ñakwê tau Anôtônê launênj lênj gêdênj.”

<sup>9</sup> Go anjela kêsôm gêdênj aê gebe “Oto gebe Aê  
aoc êoc êsêac, tañ kalem gêdênj êsêac gebe nasêninj  
moasinj Domba ênam awê saña sêwiñ nañ.” Ma  
kêsôm gêdênj aê gebe “Anôtônê biññanô tau tonañ.”

<sup>10</sup> Aê gau tauc gaêc enj akainña gebe jatenj mec  
êndênj enj. Mago enj kêsôm gêdênj aê gebe “On-  
decgenj, aê katu sakinwaga gawinj aôm to nê m la-  
sitêwai, tañ sêwa Jesu sa nañ. Aôm otenj mec êndênj  
Anôtô taugenj.” Lau tañ sêwa Jesu sa nañ, sêwê kainj  
Ñalau seoc biñ lasêña.

*Ñac tañ gêngônj hos kwalam-kwalam ñaô*

<sup>11</sup> Go galic undambê gêña ma hos kwalam-  
kwalam tenj kêsa gêmênj. Ma ñac, tañ gêngônj ñaô  
nañ, sêsam enj gebe Ñac ñañênj to Biññanô. Enj  
kêmêtôc biñj to gêjac sinj jagêdênj.

<sup>12</sup> Enj mataanô amboac jawaô ma kêkuc sunsunj  
taêsam. Ma teto ñaê tenj gêc enj ôli, tañ ñac tenj kêjala  
atom, enj taugenj.

<sup>13</sup> Enj kêsô ñakwê tenj sêsac tôñ kêsêp dec, ma  
sêsam ñac tau gebe “Anôtônê Biñ tau.”

<sup>14</sup> Go sinjwaga undambêña sêsô ñakwê sêpsêp  
toñawasi sêngônj hos kwalam-kwalam ñaô tédaguc  
enj.

<sup>15</sup> Ma sinj ñamata tenj kêsa enj awasunj gebe ênac  
lau samuc ña sinj tau. Ma enj oc ênam gôliñ êsêac ña  
tôcki ma êka wain ñanô popoc êsêp Anôtô ñaninj

Ŋatau nê sêpip wain Ŋamala. Ŋamala tau Anôtônê têtac Ŋandaŋ kapôêŋ tau.

<sup>16</sup> Ma teto ŋaê tonec gêc ênê ŋakwê to eŋ akaiŋ gebe “Kiŋnêŋ Kiŋ ma apômtaunêŋ Apômtau.”

<sup>17</sup> Go galic aŋela teŋ kêkô oc ŋalêlôm. Eŋ gêmôêc ŋa awa kapôêŋ gêdêŋ moc samob, taŋ sêlôp sêmoa umbonŋ ŋalabu gebe “Akac sa amêŋ êtu Anôtônê moasiŋ kapôêŋŋa.

<sup>18</sup> Amêŋ gebe aniŋ kiŋ to kapitaisêga ma lau siŋsêlêc nêŋ ŋamêsôm, ma aniŋ hos to lau, taŋ sêŋgônŋ hos ŋaô naŋ, nêŋ ŋamêsôm to lau, taŋ sêmoa nêŋ lêtêgeŋ ma gêŋôma to lau sauŋ ma kapôêŋ samob nêŋ ŋamêsôm êtômgeŋ.”

<sup>19</sup> Go galic bôc tau ma kiŋ nomŋa to nêŋ siŋwaga sêkac sa gebe sênac siŋ êndêŋ ŋac, gêŋ gêŋgônŋ hos ŋaô naŋ, to nê siŋwaga.

<sup>20</sup> Ma êsêac sêsô bôc agêc propete dansaŋ tôŋ. Propete dansaŋ tau gêgôm gêŋtalô gêmoa bôc laŋônêm ma kêsau êsêac, taŋ sêkôc bôcnê ŋatalô to tetêŋ mec gêdêŋ ênê ŋakatu naŋ, ŋa gêŋtalô tonanŋ. Sêsô bôc agêc propete dansaŋ tôŋ ma sêbaliŋ êsêagêc tomatenŋ jaligenŋ sêsêp jagêjactonŋ, taŋ geŋ talao naŋ sêja.

<sup>21</sup> Ma siŋ, taŋ kêsa ŋac gêŋgônŋ hos ŋaôŋa awasuŋ naŋ, gêjac lau ŋagêdô samob êndu, ma moc samob seŋ lau tonanŋ nê ŋamêsôm e gaôc êsêac tôŋ. \*

## 20

### *Jala 1,000 ŋabiŋ*

---

\* **19:21:** Ŋam gebe alambiŋ Apômtau.

<sup>1</sup> Go galic anjela teñ kêsêp anja undambê gêmên nan kékôc gêsunbôm naki ma kapoacwalô kapôên teñ kêsêp lêma.

<sup>2</sup> En kékôc lênguckêm, moac langwa tau tôn. En nac-kêlênsôn-binwaga Sadañ tau. Anjela gêsô en tôn gebe ênêc e jala 1,000 êmbacnê acgom.

<sup>3</sup> Go kêbaliñ en kêsêp gêsunbôm gêja ma kêlai nakatam auc, go kêpac katêkwi gêwê kêsêp nakatam nasawa gebe ênsau lau samuc êtiam atom e jala 1,000 êmbacnê acgom. Têm tonañ êmbacnê, go sêngamboac en su nasawa ec saunjen.

<sup>4</sup> Go galic lêpôn taêsam ma lau sêngôn nãô. Ma Anôtô kékên kôm mêtôcña gêdên êsêac. Go galic ñamalac, tañ sêjac êsêac êndu kêtú sêwa Jesu sa to sêsôm Anôtônê bin lasêña nan, nêñ katun. Êsêac teten mec gêdên bôc to gêdên ênê nakatu atom ma sêkôc bôcnê natalô sa gêc êsêac tenbelen to lemen atom. Katun tau maten jali kêsa to sêjam gôlin sêwiñ Kilisi têtôm kin kêtôm jala 1,000.

<sup>5</sup> Nacmatê dêdi sa ñamata tau tonec. Nacmatê ñagêdô maten jali kêsa atom tagen e jala 1,000 êmbacnê acgom.

<sup>6</sup> Aê aoc êôc lau dabun, tañ sêndi sa êtu ñamata nan. Gêmacanô kêtú luagêcña ñañaclai kékônin êsêac tôn atom. Êsêac têtú Anôtô agêc Kilisi nêñ dabunwaga ma sênam gôlin sêwiñ Kilisi têtôm kin êtôm jala 1,000 tau.

### *Sêku Sadañ tulu*

<sup>7</sup> Endên tañ jala 1,000 êmbacnê nan, oc sêngamboac Sadañ su anja nê kapoacwalô.

<sup>8</sup> Ma êsa êna gebe ênsau lau samuc, Gog to Magog, tañ sêjam nom auc e gêdên ñakêclêsu aclê nan, ma

ênac êsêac sa gebe sênac sinj. Lau tau têtôm ganjac gwêcña,

<sup>9</sup> ma êsêac sêsêlênj sêjam nom aucgenj ma sêwa Anôtônê launêj gamêj sêngôñña to malac, tañ Anôtô têtac gêwiñ nanj, auc e ja kêsêp anja undambê jagenj êsêac su.

<sup>10</sup> Go Anôtô kêbaliñ Sadanj, tañ kêsau êsêac nanj, kêsêp jagêjactonj totalao, tañ gêmunña sêbaliñ bôc tau agêc propete dansanj sêsêp sêja nanj gêja. Ma ñandanj oc êlakoc êsêac êtôm bêc to elenj tenjenj ma tenjenj.

### *Metôc kapôênj mênkêsa*

<sup>11</sup> Go galic lêpônj kiñña kwalam-kwalam kapôênj tenj to ñac, tañ gêngônj ñaô nanj. Ma nom to undambê kêtaiñ tau su anja ñac tau nê lanônêmña, jagêjaña kêsêp sawa gêja e malamê.

<sup>12</sup> Ma galic ñacmatê kapôênj to saunj samob jasêkô lêpônj kiñña tau ñanêmña ma sêkac buku ñagêdô sa. Ma sêkac buku tenj sa, nanj buku mata jaliña tau. Ma sêmêtôc ñacmatê nêj biñ kêtôm nêj kolenj, tañ teto ñabiñ gêc buku tonanj ñai su.

<sup>13</sup> Gwêc kêkêj ñacmatê, tañ sêc ñalêlôm nanj, ma gêmacanô to lamboam sêkêj ñacmatê, tañ sêc lamboam ñalêlôm nanj, ma sêmêtôc êsêac gêdênj-gêdênjenj kêtôm gêj, tañ sêgôm nanj.

<sup>14</sup> Go sêbaliñ gêmacanô to lamboam sêsêp jagêjactonj sêja. Jagêjactonj tau gêmacanô kêtú luagêcña.

<sup>15</sup> Ma embe têtap ñac tenj nê ñaê sa ênêc buku mata jaliña tau atom, nanj sêmbaliñ enj êsêp



jagêjactorj êna. \* Mago kêtû ñamu lau sêsam ñaê luagêc kêpi lau samuc nêj tonj kapôênj, tanj sêkênj kisa gêdênj Anôtô to nê lau.

## 21

### *Undambê to nom wakuc*

<sup>1</sup> Go galic undambê wakuc to nom wakuc, gebe undambê ñamataña to nom ñamataña nanj gêjaña su ma gwêc malamê amboac tonaj.

<sup>2</sup> Ma galic malac dabuj Jerusalem wakuc, tanj Anôtô kêkênj kêsêp anja undambê gêmênj nanj, ñagêlônj amboac awê, tanj sêjam gêlônj enj gebe ênam ñac.

<sup>3</sup> Ma ganjô awa kapôênj tenj kêsâ anja lêpônj kinja gebe “Ôlic acgom, Anôtônê andu kêkô gêwiñ ñamalac. Enj oc êngônj êwiñ êsêac ma êsêac oc têtû êné lau, ma Anôtô tau oc êmoa êwiñ êsêac.

<sup>4</sup> Ma enj oc êmbuj matenjsulu samob anja matenjsasi su ma gêmacanô oc ênêc êtiam atom ma gêjwapac to tanjiboa ma ñandanj oc ênêc êtiam atom, gebe gêj ñamataña samob gêjañagac.”

<sup>5</sup> Ma ñac, tanj gêjgônj lêpônj kinja nanj, kêsôm gebe “Ôlic acgom, aê oc jangôm gêj samob êtu wakuc.” Ma enj kêsôm gebe “Oto gebe Binj tonec binj ñanênj to binjanô.”

<sup>6</sup> Ma kêsôm gêdênj aê gebe “Ñanô kêsagac. Aê ñac ñamata to ñamu. Aê katu ñam to ñatêpôê. Aê jakênj bu anja bumata mata jali êndênj lau, tanj bu gêjô êsêac nanj, sênôm ñaômagenj.

---

\* **20:15:** Gêdênj andanjenj Gog kêtû kinj anja gamênj Magog.

<sup>7</sup> Njac tanj êku njacjo tulu nanj, êwê kainj gênj tonanj naj êtu ênê gênjlênsêm, ma aê jatu ênê Anôtô ma enj êtu aê latuc.

<sup>8</sup> Ma lau matenj golec to sêkênj gêwinj atom, ma lau tosec to sêjac njamalac êndu, ma mockainjo to mockainj ma laubenj to gwam njasakinjwaga ma dansantêna samob, oc sêwê kainj njagêjactonj, tanj ja to talao gelom nanj. Gêmacanô kêtû luagêcnja tau tonanj.”

### *Jerusalem wakuc*

<sup>9</sup> Go anjela 7 tolaclu 7, tanj gênjwapac njamuja 7 kêsêp e menjgêc nanj, nênj tenj gêmênj ma kêsôm gêdênj aê gebe “Ômôênj, aê jatôc awê, tanj Domba gebe ênam nanj, êndênj aôm.”

<sup>10</sup> Tec aênjoc katuc kainj tenj kêsa e enj gêôc aê kapi lôc balinj kapôênj tenj gaja, go enj kêtôc malac dabunj Jerusalem, tanj Anôtô kêkênj kêsêp anja undambê gêmênj nanj, gêdênj aê.

<sup>11</sup> Gêmênj toAnôtônê njawasigenj. Malac tau njawê amboac pocawa, amboac pocawa jaspa njôsic amboac glas.

<sup>12</sup> Malac tau njatunjbôm kapôênj ma balinj tonjasagêdô 12. Ma anjela 12 sêkô sacgêdô tonanj njô gêdênj-gêdênjenj. Ma teto Israel latuinênj gôlôacmôkê 12 nênj njâ kêpi sacgêdô tau.

<sup>13</sup> Sacgêdô têlêac gêc oc kêpija, têlêac gêc musangu-mnja, têlêac gêc mula-mnja ma têlêac gêc oc kêsêpnja.

<sup>14</sup> Ma poc 12 kêtû malac njatunjbôm tau njanombanj, ma Dombanê aposolo 12 nênj njâ 12 gêc poc tau.

15 Anjela tañ kêsôm binj gêdêñ aê nanj, kêkôc dôn gold teñ gebe ênam dôn malac tau ma ñasacgêdô to tunbôm.

16 Malac tau ñalêsinqa to ñatakôcña baliñ kêtôm taugen. Anjela gêjam dôn malac tau kêtôm dôn 12,000, ñalêsinqa to ñatakôcña ma ñabaliñ kêpi lôlôcña kêtôm taugen.

17 Enj gêjam dôn malac ñatunbôm amboac tonanjen. Ma tunbôm tau baliñ kêtôm dôn 144 kêtôm ñamalacnêñ dôn, tañ anjela kêkôc nanj.

18 Tunbôm tau êsêac sêboa ña pocawa jaspanagen, ma malac tau sêkwê ña goldanô e ñakêñkêñ lanjwagen kêtôm glas.

19 Êsêac sêjam gêlôn malac ñatunbôm ñanomban ña pocawa tokainjtokaiñ. Nomban ñamataña jaspas, ma kêtû luagêcña sapir, ma kêtû têlêacña agat, kêtû aclêña emeral,

20 kêtû lemenj teñña sardoni, kêtû 6ña konelian, kêtû 7ña krisolit, kêtû 8ña beril, kêtû 9ña topa, kêtû 10ña krisopra, kêtû 11ña hiasint ma kêtû 12ña ameti.

21 Ma sêkêñ kêkôm tagen-tagen kêtû sacgêdô 12 ñakatam. Ma malac ñaintêna tau goldanô ñakêñkêñ kêtôm glas e ñawa lanjwagen.

22 Ma galic lôm dabunj teñ kêkô malac tau atom, gebe Apômtau Anôtô ñaniniñ Natau agêc Domba têtû ñalôm dabunj.

23 Ma malac tau kêpô lêna oc to ajônj gebe êpônja nec atom, gebe Anôtônê ñawasi kêpô malac tau ma Domba kêtû ñalamp.

24 Lau totonj-totonj oc sêsêlêñ sêmoa ñawê tonan ñalêlôm. Ma kinj nomña oc sejonj nêñ waba tonjwasi

sêsô malac tau sêna.

<sup>25</sup> Êsêac sênsaj ñakatam auc atomanô, ñawê oc ênêc ñapan, elen to êmbêc oc naêsa gamênj tonan atom.

<sup>26</sup> Ma êsêac oc sejon lau toton-toton nêj waba to awa towae sêsô malac tau sêna.

<sup>27</sup> Gêj ñatêmui tenj oc êsô malac tonan êna atom, ma ñac sec to dansantêna tenj êsô êna atom amboac tonanjen. Lau tanj teto nêj ñaê kêsêp Dombanê buku mata jalinja nanjen, sêsô sêna. \* ñawasi kainj tenj ma ñatalô tokainj-tokainj. Ñagêdô kokoc, ñagêdô matak-matak to majan-majan. Bin pocawaña gêwa ña gebe ñawasl oc ênam Jerusalem wakuc auc samucjen. Malac ñagêñlêlôm tanj ênêc awê to gêj, tanj êsinj tau nanj ñawasigenj.

## 22

<sup>1</sup> Go anjela kêtôc bu tenj gêdênj aê, ñakênkênj kêtôm pocawa. Bu tau bu mata jalinja kêsa anja Anôtô agêc Domba nêj lêpônj kinja.

<sup>2</sup> Bu tau keselenj kêsêp malaclunj ñalunjenj ma ka mata jalinja kêkô bu ñatali makenj-makenj. Ka tau gêjam ñanô kêtû dim 12 kêtôm jalagenj, gêjam kêtôm ajônjenj. Ma ka tau ñalaunj gêgôm lau samuc ôlinj ñajam kêsa.

<sup>3</sup> Ma gêj, tanj Anôtô kêpuc boa nanj, oc tatap ñatenj sa anja malac tonan atom.

Anôtô agêc Domba nêj lêpônj kinja oc êkô malac tau, ma ênê sakinwaga oc sênam sakinj enj.

<sup>4</sup> Êsêac oc sêlic enj lanjônô ma ênê ñaê ênsac êsêac tenjbelej.

---

\* **21:27:** Ñaê 12 tonan têtû pocawa 12 ñaê. Pocawa tau

<sup>5</sup> Elenj to êmbêc oc êsa êtiam atom, ma êsêac oc sêpô lêna lamp ñawê to oc atomanô, gebe Apômtau Anôtô tau oc êpô êsêac ma êsêac sênam gôlinj lau têtôm kinj sêmoa tengej ma tengej.

*Jesu oc êmu êmêj*

<sup>6</sup> Go anjela tenj kêsôm gêdêj aê gebe “Binj tonec binj ñañêj to binjñanô. Ma Apômtau Anôtô, tañ kêkêj nê Ñalau gêdêj propete nañ, kêsakinj nê anjela gebe êtôc binj, tañ oc mênjêsa sebenj nañ, êndêj ênê sakinjwaga.”

<sup>7</sup> Jesu kêsôm gebe “Ôñô acgom, aê oc jawac sebenj. Aê aoc êôc êsêac, tañ sêmansañ binj, tec Anôtô gêôc lasê gêc buku tonec nec.”

<sup>8</sup> Aê Joan, aê ñac, tañ ganjô to galic gêj tonañ ñai. Ganjô to galic gêj tau su acgom, go gau tauc gaêc anjela, tañ kêtôc gêj samob gêdêj aê nañ, akainjña gabe jatenj mec êndêj enj.

<sup>9</sup> Mago enj kêsôm gêdêj aê gebe “Ondecgej, aê katu sakinjwaga gawinj aôm to propete, tañ têtû nêm lasitêwai nañ, ma êsêac, tañ sêmasañ buku tonec ñabinj nañ. Otenj mec êndêj Anôtô taugenj.”

<sup>10</sup> Ma enj kêsôm gêdêj aê gebe “Ôñgaminj binj, tañ Anôtô geoc lasê gêc buku tonec nañ, to ôsinj ôkwi atom, gebe noc gêj samob tonec ñanô êsañja kêdabinjac.

<sup>11</sup> Ñac tañ gêgôm sec nañ, êñgôm nê sec êmoa. Ñac tañ gêgôm gêj môpñja nañ, êñgôm nê gêj môpñja êmoa. Ñac gêdêj êñgôm gêj êndêjgej êmoa. Ma ñac dabuj êsa nê lêj ênam dabuj taunja êmoa.”

<sup>12</sup> Jesu kêsôm gebe “Ôñô acgom, aê oc jawac sebenj ma toñoc ñagêjôgej jawac, gebe jakêj êndêj lau samob êndêj-êndêjgej êtôm nêj lêj.

13 Aê ñac ñamata to ñamu, aê ñam to ñamôkê ma gajac m ma oc janac dabinj.”

14 Aê aoc êôc êsêac, tañ sêkwasiñ nêñ ñakwê nanj, ec êsêac têtôm gebe sêwê kainj ka ñanô sêngônj materj jalinja ma oc sêsô malac tau ñasacgêdô sêna.

15 Lau amboac tonec oc sêmoa malac ñamagê, kêam to laubenj ma mockainjo to mockainj ma lau, tañ sêjac ñamalac êndu to gwam ñasakinjwaga ma êsêac, tañ têtac gêwiñ binj dansanj to sêgôm ñanô kêsa nanj.

16 “Aê, Jesu, kasakinj ñoc anjela gêdênj amac gebe êwa binj tonanj sa êndênj gôlôac dabunj. Aê katu Dawidnê ñawakac ma nê wakuc. Aê katu utitêna gelenj maturanj ñawasi tau.”

17 Njalau agêc awê, tañ gebe ênam ñac nanj, sêsôm gebe “Ômôênj.” Lau samob, tañ sêñô binj tonanj nanj, sêsôm sêwiñ gebe “Ômoênj.” Lau tañ bu gêjô êsêac nanj sêmênmanj, ma samob, tañ sebe sêkôc nanj, sêkôc bu mata jalinja taumanj, sêkôc ñaômagenj.

18 Aê jasôm binj tonec êtu tôñ êndênj lau samob, nanj sêñô binj, tañ Anôtô geoc lasê gêc buku tonec nanj gebe Tenj embe ênac têku binj tenj naêwiñ, oc Anôtô ênac têku gêñwapac, tañ teto ñawae gêc buku tonec nanj, êpi enj naêwiñ amboac tonanjenj.

19 Ma tenj embe êkôc binj, tañ Anôtô geoc lasê gêc buku tonec nanj, ñatenj su, oc Anôtô êkôc ênê kanjanô mata jalinja to ênê mala anja malac dabunj, tañ teto ñabinj gêc buku tonec nanj, su amboac tonanjenj.

20 Nac tañ gêwa binj samob tonanj sa nanj, kêsôm gebe “Binjanô, aê oc jawac sebenj.” Binjanô, Apômtau Jesu ômôênj.

<sup>21</sup> Apômtau Jesu nê moasiŋ êndêŋ lau samob.

**BIBOLO DABUN**  
**The Holy Bible in the Yabem language of Papua New Guinea**  
**Buk Baibel long tokples Yabem long Niugini**

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

---

PDF generated using Haiola and XeLaTeX on 18 Apr 2025 from source files dated 31 Aug 2023

447e01c5-a375-5452-ae54-b3f890293eeb